

八
卷
目
錄

婦
科
綱
目

二
十
二

脾胃部

腹痛

嘔苦水

關格

產後噦

胎前腹痛

吐酸吞酸

膈氣

反胃

產後腹痛

嘔吐清水

噎

噎塞

腸鳴

嘔沫

口開目瞪

嘔膿

嘔吐

嘔吐

嘔吐

嘔吐

吐乾嘔

嘔吐

嘔吐

嘔吐

惡心

吐利

噦

噦



醫學綱目卷之三十二

脾胃部

腹痛 胎前腹痛 產後腹痛 腸鳴

大法

丹腹痛 有寒 積熱 死血 食積 濕痰

垣夫心胃痛及腹中諸痛皆因勞力過甚飲食失節中氣不足寒邪乘虛而入客之故卒然而作大痛經言得炁則止炁者熱也以熱治寒治之正也然腹痛有部分臟腑有高下治之者亦宜分之如厥心痛者乃寒邪客於心胞絡也前人以良薑高蒲大辛熱之味末之酒調服其痛立止此直折之耳真心痛者寒邪傷其君也手足青至節甚則且發夕死夕發旦死中脘痛者太陰也理中建中草薤瀉丸之類主之膈腹痛者少陰也四逆薑附禦寒湯之類主之少腹痛者厥陰也正陽散回陽丹當歸四逆湯之類主之雜症而痛者苦練湯酒煮當歸丸丁香練實丸之類主之



之是隨高下治之也。更循各臟部分穴俞而灸刺之。如厥心痛者，痛如針刺，其心甚者，脾之痛也。取之然谷、太溪、餘臍皆然。如腹中不和而痛者，以甘草芍藥湯主之。如傷寒誤下，傳太陰腹滿而痛者，桂枝加芍藥湯主之。痛甚者，桂枝加大黃湯主之。夏月肌熱惡熱，脈洪疾而痛者，黃芩芍藥湯主之。又有諸虫痛者，如心腹懊憹作痛，聚往來上下行，痛有休止，腹熱善渴，涎出面色乍青乍白乍赤，嘔吐水者，就咬也。以手緊按而堅持之，無令得脫，以鍼刺之，久持之，虫不動乃出，鍼也。或局方化虫丸及諸虫之藥，量虛實用之，不可一例治也。

寒

海秋腹痛肌寒惡寒，脈沉微足，太陰足少陰主之。桂枝芍藥湯。中脘痛，太陰也。理中建中黃芪湯之類。臍腹痛，少陰也。四逆真武附子湯之類。小腹痛，厥陰也。重則正

陽散回陽丹之類。輕則當歸四逆湯之類。太陰傳少陰痛甚者，當變下利而止。

中脘痛
屬太陰

仲虛勞裏急腹中痛，小建中湯主之。

方見傷寒

羅肝勝乘脾。○真定路總管劉仲美年踰六旬，有脾胃虛熱之証，至元辛巳閏八月初，天氣陰寒，因官事勞役渴而飲冷，夜半自利，兩行平旦，予診視其脈弦細而微，四肢冷，手心寒，唇舌皆青褐色，腹中微痛，氣短而不思飲食，予思內經云：色青者肝也，肝屬木，唇者脾也，脾屬土，木尅土，故色見於唇，難經亦云：見肝之病，則知肝當傳之於脾，故先實其脾氣，令脾不受肝之邪也。潔古先師云：假令五臟各行已勝，侮所不勝，當重實不勝，微瀉其勝。以黃芪建中加芍藥附子湯主之。且芍藥味酸瀉其肝木，微瀉其勝。黃芪甘草甘溫補實脾土，皆重實其勝。桂附辛熱治其寒水，又

助陽退陰，飴糖甘溫補脾之不足，肝苦急，食甘以緩之。生姜大棗辛甘大溫生發脾胃，升騰其氣，行其榮衛，能緩其急。每服一兩，依法煎服，再服而愈。黃芪建中湯倍芍藥量，虛實加附子。本方見治

理中湯方見傷寒陰病

理中湯 治脾胃虛而心火乘之，不能滋榮上焦元氣。遇冬腎與膀胱之寒水旺，時子能令母實，致肺金大腸相輔而來，尅心乘脾胃。此大復其雙也。經曰：大勝必大復。故皮毛血脈分肉之間元氣已絕於外，又大寒大燥二氣併乘之，則苦惡風寒耳鳴及腰背相引，曾中而痛，鼻息不通，不聞香臭，額寒腦痛，目時眩目，不欲開腹中為寒水反乘，痰唾涎沫食入反出，腹中常痛及心胃痛，脇下急縮，有時而痛，腹不能努，大便多瀉而少，秘下氣不絕或腹鳴，此脾

胃虛之極也。曾中氣亂，心煩不安而為霍亂之漸，膈咽不通，噎塞極則有聲喘喝閉塞，或日陽中或煖房內稍緩，口吸風寒則復作，四肢厥冷，身體沉重不能轉側，不可回顧，小便澀而時燥。此藥主秋冬寒涼大復氣之藥也。

草薺 薺仁一錢四分 麵裏煨去皮 吳茱萸八分湯洗焙乾

益智仁分 陳皮分 白姜錢一分 甘草炙六分

桃仁去皮尖七分 青皮分 澤瀉一分小便數減半

黃芪分 半夏一錢湯泡七分 人參分 麥蘖一錢炒

神麴分 姜黃分 當歸身分 柴胡分

右件十七味同為細末，桃仁另研如泥，再入一處研勻。湯浸蒸餅為丸，如桐子大，每服三五丸，白湯送下。旋斟酌多少。

神聖復氣湯治復氣乘冬足太陽寒水足少陰腎水之旺

子能令母實手太陰肺實反來侮土火木受邪腰背骨痛
閉塞痛疼善噎口中涎目中泣鼻中流濁涕不止或有息
肉不聞香臭咳嗽痰沫上熱如火下寒如水頭作陣痛目
中流火視物眩暈耳鳴耳聾頭并口鼻或惡風寒喜日陽
夜臥不安常覺痰塞膈咽不通口無滋味兩脇縮急而痛
牙齒動搖不能嚼物腰膝間及尻髻膝足寒冷陰汗前陰
冷行步欹側起居艱難掌中寒風痺麻木小便數而晝多
夜頻而少氣短喘喝少氣不足以息卒遺失無度婦人白
帶陰戶中大痛牽心而痛鬢黑失色男子控辜牽心陰陰
而痛面如赭色食少大小便不調煩心霍亂逆氣裏急而
腹皮色白後出餘氣腹不能努或腸鳴膝下筋急肩胛大
痛此皆寒水來復火土之雙也

乾姜炮三分 人參分五 半夏湯泡七分 柴胡分一

藁本分八 防風分五 羌活錢一 甘草分八

升麻分七 白葵花五朵去心 歸身六分酒洗 黑附子三分炮去

皮臍 桃仁湯浸去皮五分研 郁李仁湯浸去皮五分

右作二服水五盞煎至二盞入

黃芪錢一 草薺錢一錢麵煨 陳皮分五

右件入在內再煎至三盞再入下項藥

黃柏酒浸五分 黃連酒浸三分 枳殼分三 生地酒洗二分

已上四味預一日另用新水浸又次入

細辛分二 川芎分三 蔓荊子分二

預一日用水半大盞分作二處浸此三味并黃柏等藥

前正藥作一大盞不去查入此浸藥再上火煎至一大

盞去查稍熱服空心又能治咬頰咬唇咬舌舌根強硬

等症如神忌肉湯及食肉使不助經絡中火邪也大抵

腎併膀胱經中有寒肺氣元氣不足者皆宜服之神驗
於月生理滿時隔二三日一服如病急不拘時候
益智和中丸季秋合治心腹中大痛煩躁汗自出

草寇仁錢四 益智仁一分錢 砂仁七分 甘草灸二分錢半

黃芪 當歸身 人參 乾姜

麥門冬 麩末 陳皮各五分 桂枝

桂花各一錢半 大麥蘖炒三分 黃連一錢 生地一錢

姜黃三分 木香二分

右為細末湯浸蒸餅為丸如桐子大每服二三十九溫
水送下細嚼亦得

溫胃湯治服寒藥多致脾胃虛弱胃脘痛

白苝寇三分 益智 砂仁 甘草二分

姜黃各二分 陳皮七分 澤瀉三分 黃芪七分

乾姜二分 厚朴二分 人參三分
右為細末每服三錢水一盞煎至半盞食前溫服

丹里成人年二十五歲肚痛二箇月食少面微寒

白朮 陳皮 青皮各半兩 川芎

白芍 半夏各三錢 蒼朮 官桂

歸身尾 甘草灸 木通各一錢

分七貼姜二片煎下保和丸二十粒

一老人腹痛作隔不禁下者

川芎 蒼朮 香附 白芷

茯苓 乾姜 滑石

右八方皆治中寒虛寒腹痛也

垣木桂湯治寒濕所客身體沉重胃脘痛面色痞黃

麻黃錢一 桂枝五分 杏仁箇十 草薢二

半夏 澤瀉 炒麴各五 蒼朮各三

陳皮 錢一 白茯苓 錢一 猪苓 分五 黃芪 各五

甘草 二分 右咬咀水二大盞煎至一盞去渣稍熱服食前

麻黃草薺丸 季秋合治客寒犯胃心胃大痛不可忍者

麻黃 去節 二錢 草薺 炒麴 各一 益智 分

升麻 大麥麴 砂仁 黃芪

半夏 湯 白朮 陳皮 各五分 柴胡

甘草 炙 吳茱萸 當歸身 青皮

木香 厚朴 各二 草澄茄 紅花

蘇木 各五 右為末湯浸蒸餅為丸如桐子大每服三五丸細嚼溫水送下

厚朴湯治脾胃虛寒心腹滿及秋冬客寒犯胃時作疼痛

厚朴 錢一 陳皮 二兩 甘草 炙

茯苓 去皮 乾姜 各五

戊火已衰不能運化又加客氣聚為滿痛散以辛熱佐以苦甘溫以淡泄之扶持胃氣以期平也

羅高良姜湯治心腹絞痛如刺兩脇支滿不可忍

高良姜 錢五 厚朴 制 當歸 炒 桂心 各二

右咬咀以水一升煮取四合分二服若一服痛止便停不須更服若強人分二服若人分三服增損之

本治心脾痛神效荔枝核為末每服一錢熱醋湯調下

四逆湯 真武湯 附子湯 並見傷寒

腹中寒氣雷鳴切痛胃膈逆滿嘔吐附子粳米湯主之

附子 炮 半夏 分五 甘草 兩 大棗 十箇

膈腹痛 屬心陰

粳米升半
右五味以水八升煮米熟用湯或去渣溫服下升日三服

羅益智散治傷寒陰盛心腹痞滿嘔逆瀉利手足厥逆及一切冷氣攻心脇臍腹脹滿絞痛

川烏炮去皮四兩 益智皮去 乾姜炮 青皮去黃各一兩
右為細末每服三錢水二盞生姜三片棗二枚劈破同煎至八分去渣溫服食前

本又方治胸滿氣噎下部冷臍腹疔痛

半夏二兩 生姜六兩 陳皮四兩 桂一兩

吳茱萸湯洗泡

右咬咀用水十升煮取四升分五服冷再服空心食前服予少年時曾患臍疔腹痛初不疑其虛遍服諸家

藥無効遂自診之覺是虛症合此藥一劑服未至半劑頓愈

少腹痛屬厥陰

正陽散 回陽丹 當歸四逆湯已上三方方見傷寒

羅葱熨治驗 內經云寒氣客於小腸膜原之間絡血之中血泣而不得注於大經血氣稽留不得行故宿昔而成積矣又寒氣客於腸胃厥逆上出故痛而嘔也諸寒作痛得熨則痛立止真定一秀才年二十一肌體本弱左脇下有積氣不敢食冷物覺寒則痛或嘔吐清水眩暈欲倒目不敢開惡入煩冗靜臥一二日及服辛熱之藥則病退延至至元甲戌秋初因勞役及食冷物其病大作腹痛不止冷汗自出四肢厥冷口鼻氣亦冷面色青黃不澤全不得臥扶危而坐咳嗽咽膈不利予與藥服之見藥則吐藥不得入無如之何遂以熟艾約半斤用白紙一張鋪於腹上

紙上攤艾令勻又以熬葱數枝批作兩半片鋪於熟艾上
再用白紙一張覆之以慢火熨斗熨之冷則易之覺腹中
熱腹皮暖不禁以帛三搭多縫帶繫之待冷方解初熨時
得暖則痛減大暖則痛止至夜得睡翌日再與對証藥服
之良愈故立此熨法以救將來之痛也

熱

海夏腹痛肌熱惡熱脈洪疾手太陰足陽明主之芍藥黃
苓湯治腹痛脈洪數滯下

丹婦人肚墜痛不泄脈不數

陳皮 地黃 芍藥二錢 黃芩

木通 歸尾錢 甘草些 桃仁四箇

經卒患腹痛水研山荳根汁半盞服之

五靈脂湯治中暑肚腹疼不巳

五靈脂 香附各等分 右為末白湯調服

虛

腹痛或大便秘或用手重按痛處不痛者為虛治法並於
寒條選用之或無寒者如左方

芍藥甘草湯芍藥甘草治腹痛稼穡作甘甘者巳也曲直
作酸酸者甲也甲巳化土此仲景妙方也

其芍藥二兩 甘草兩

右以咀每服五錢水煎服海藏云自收而赤散也酸以
收之甘以緩之

海肚腹痛者芍藥甘草湯主之

弦傷氣 芍藥

洪傷金 黃芩 加棗

脈緩傷水 加桂枝 生姜

澁傷血 當歸

遲傷火 乾姜

婦人痢後血少腹痛

白芍藥錢二 歸身尾半 錢 陳皮二 錢

川芎分五

實

痛而秘者厚朴三物湯主之

厚朴兩 大黃兩 枳實兩

右三味以水一斗二升先煮二味取五升內大黃煮取二升溫服一升以利為度

丹 一男子年十八歲身小面帶微黃五月間腹大痛醫者與小建中湯加丁香兩貼不效加嘔吐清汁又與十八味下沉透膈湯兩貼食全不進痛無休止臥不能起如此五六日又與阿魏丸百餘粒至夜發躁不得睡口却渴予脈之左三部沉弦而數關部尤甚右三部沉滑而數實痛處不可按遂與大柴胡湯四貼加甘草下之痛嘔雖減食

猶未進遂與小柴胡湯去黃令人參加芍藥陳皮黃連生甘草二十貼而愈 白雲許先生始因飲食作痰成脾疼後累因觸冒風雪腿骨作疼衆皆以脾疼骨疼為寒雜進黃牙歲丹等藥雜治十餘年間文灸數萬計或似有效及至病再作反覺加重至五十一歲時又冒雪乘船而病愈加至坐則不能起扶起亦不能行兩腿骨不能開合若脾疼作時則兩腿骨痛處似覺稍輕若飲食甘美脾疼不作則勝骨重痛增諸老袖手註無所出予謂此初因中脘有食積痰雜以胃寒濕抑遏經絡血氣津液不行痰飲注入骨節往來如潮其湧而上則為脾疼降而下則為勝骨痛非湧泄之法不足以治之時七月二十四日遂以甘遂末一錢入猪腰子內煨與食之連瀉七行至次日兩足便能行步至八月初三日嘔吐大作不能起牀顆粒不食但時煩

躁氣弱不能言語諸老皆歸罪於七月之瀉而又知累年
熱補之悞皆不敢用藥予嘗記金匱云病人無寒熱而短
氣不足以息者此實也其病多年鬱結一旦以刃圭之劑
泄之徒動猖狂之勢他未有制禦之藥所以如此仍以吐
劑達其上焦以次第治及中下二焦於初三日用瓜蒂吐
不透初六日用梔子又吐不透初九日用附子尖三枚和
漿水與之始得大吐其嘔噦終止前後所吐共得膏痰沫
液一大水桶初十日遂以朴硝滑石黃芩石膏連翹等涼
藥改咀一斤蒸煎濃汁放井水中極冷飲之十一月十二
日十三日十四日每日食上件藥一片十五日腹微瀉大
小便皆秘悶予欲用大承氣下之諸老皆以為不可十六
日六脉皆歇至予診其脉獨歇至卯酉二時其餘時刻平
勻如舊予曰卯酉為手足陰陽之應此大腸與胃有積滯

不行所致當速瀉之爭論不已至十八日遂作紫雪半斤
十九日早紫雪成每用一匙頭以新汲井水化下至二十
日天未明已服紫雪五兩神思稍安腹滿亦減遂收紫
雪不與二十一日大為小便閉作痛所苦遂飲以蘿蔔子
汁半茶鍾隨手痛止小便立通廿二日小腹滿痛不可捫
摸神思不佳遂以大黃牽牛作丸服至三百丸至二十三
日巳時下大便併通如爛魚腸三碗許臭惡可畏是日神
思稍安診其脉不歇至矣二十四日腹大絞痛殆不能勝
者約一時許腰膝沉重且墜兩時不出聲不能言瀉下穢
物如柏油條者一尺餘肚中如燒片時方定至廿五日神
思漸安夜間得睡廿六日漸能出聲音語自初二日至此
並顆粒不曾入口語言並不出聲至廿七日方啜半盞稀
粥者四次似有生息至次月初四日方平安其脉自嘔吐

腹脹短氣收之

汗血散

至病安日皆是平常弦大之脉唯有中間數日歇至少異耳至次年四月復行倒倉法方步履如初
腸離亦腹痛但小便數似淋脉滑數為異耳治法見腸離本門
治小腹俱脹痛短氣欲死或已絕用烏梅二十七枚水五升煮一沸內大錢二十七枚煮取二升半強人可頓服瘦人可分之再服

海當歸丸治三陰受邪於心臍少三腹疼痛氣風等症

四物湯各半兩

防風

獨活

全蝎各五分

續斷兩

苦練

玄胡各七

木香

丁香各二錢半

茴香一兩

右為細末酒糊丸桐子大空心温酒下三五十九大効

四物苦練湯

四物湯兩

玄胡索

苦練各一兩

雲治腹中攪痛不可忍

玄胡索

當歸

白芍

川芎

乾姜各等分

右為末每服三錢温酒調下

又法治証同前

玄胡索

桂心各半兩

當歸一兩

右為細末熱酒調下

失笑散治心腹痛欲死百藥不効服此頓愈方觀

經治脾寒氣發歇痛不可忍者茱萸一兩桃仁一兩和炒

冷茱萸焦黑後去茱萸取桃仁去皮尖研細葱白三莖煨

熟以酒浸温分三服

腹痛脈滑者痰脈弦者食

濕痰

清痰多作腹痛

台芎 蒼米 香附 白芷
 右為末生薑自然汁調入熱湯服之
 積溫中丸治食積肚痛

白米 香附童便 針砂各四兩醋
 山查肉 神麴各八 苦參兩 川芎半兩春

吳茱萸半兩湯浸冬 蒼米米泔浸一宿
 右為末醋調麵糊為丸如桐子大一方去山查神麴川
 芎加半夏青皮黃連

世蒼米丸治失飢傷飽肚痛不食
 蒼米炒 橘紅等分

丹酒積腹疼痛用三稜蓬莪朮香附官桂蒼米厚朴陳皮
 甘草茯苓木香檳榔治之
 右生薑汁打炒神麴糊丸如桐子大每七十丸米飲下

楊淳三哥年六十食積痰作痛在心頭或在腹脇脈皆弦
 瀆食甚少大便秘實此濕積也宜生血行氣進食磨積補
 虛

白米 炒麴 半夏鎔半 郁李仁
 歸身尾 芍藥 陳皮鎔五 山查鎔五
 川芎錢三 人參錢二 柴胡錢二 紅花分五
 桃仁簡三

細末粥丸下日三次食前白湯下四五十九

氣 羅七氣湯治虛冷上氣及寒氣怒氣思氣喜氣憂氣愁氣
 內結積聚堅牢如杯心腹絞痛不能飲食時發時止發即
 欲死此藥主之

半夏湯洗 人參去 甘草炙 肉桂各一
 右為粗末入半夏冷勻每服二錢水一大盞生薑三片

虫

煎七分去香稍熱服食前
腹痛有作止者有塊耕起往來者吐清水者皆是虫痛治
法見心痛

肝鬱

井窈渠吳孺人年近四十得腹隱痛常以火燒磚瓦熨之
面與智襟間惡火之熱氣發時少煩食亦減六脈和皆微
弦最苦夜間不得睡但世上凶惡之事并寫若堵像皆上
念時作惡泣說離別囑付後事如此者一年衆作心痛治
之自覺氣自下衝上雖久病人却不瘦予曰此肝受病遂
與防風通聖散吐之時尚春寒於通聖中加桂入姜汁調
之曰三四次至初夏稍熱與當歸龍膽丸枳朮丸二月而
愈

運氣
運氣腹痛有二

一曰土盛攻腎而痛經云歲土太過雨濕流行腎水受邪

民病腹痛清厥意不樂是也

二曰火鬱之發痛經云火鬱之發民病腹中暴痛是也

雜方

世鹽炒熱用布裹熨痛處神効

丹攪腸沙用台芎為末每一錢許入生姜自然汁半盞熱

湯內調服又方樟木煎湯大吐之或用白礬末一錢清

湯調服探吐之或鹽湯探吐之亦可

世治發沙面青吐痰昏倒不省人事急以鼠屎一合研為

細末滾湯調令通口澄清服之一服而安神効宜預收下

針灸
刺灸腹痛有四法

其一取脾胃經云邪在脾胃陽氣不足陰氣有餘則寒中

腸鳴腹痛皆調于三里又云足太陰之别名曰公孫去本

節之後二寸實則腹中切痛取之所別也又云腹痛刺臍

左右動脈已刺按之立已不已刺氣衝已刺按之立已是

也
 其二取大腸經云大腸病者腸中切痛而鳴濯濯感于寒
 即泄當臍而痛取巨虛上廉是也
 其三取督脈經云腎虛則胃中痛大腹小腹痛清厥意不
 藥取其經少陰太陽血者是也
 其四取任脈經曰任脈之別名曰尾翳下鳩尾散于腹實
 則腹皮痛取之所別也

世治絞腸痧症手足厥冷腹痛不可忍者以手蘸溫水於
 病者膝灣內拍打有紫黑處以針刺去惡血即愈
 王腹痛并治氣塊 內關 支溝 照海
 撮氣痛并治積痛食不化 氣海 一寸半灸 中腕 二寸
 壯 隱白 灸七分 壯
 桑又法 巨闕 足三間 怪穴 腹痛腸鳴 氣衝 在氣

雜

世臍腹痛 陰陵泉 太衝 三里 支溝 取口中
 腕 關元 天樞 繞臍痛 公孫 三陰交 陰谷
 東胃脘暴痛臍中堅痛 石門 商丘 陰谷 大腸俞
 膈俞

診

甲腹中寒疼外陵主之 大腸寒中 千金作 大便乾腹中
 切痛者盲輸主之 繞臍痛搶心膝寒注利腹結主之
 仲夫瘦人繞臍痛必有風冷穀氣不行而反下之其氣必
 衝不衝者心下則痞也
 脈若腹痛脈反浮大而長者死 大無妨 脈浮
 心腹痛痛不得息脈細小遲者生堅大疾者死 大無妨 脈堅

虛

仲婦人懷胎腹中諸疾痛當歸芍藥散主之

當歸_{兩三}

芍藥_{斤二}

茯苓_{兩四}

白朮_{兩四}

澤瀉_{斤半}

芎藭_{半斤一}

右六味杵為散取方寸匕酒和三百服

潔地黄當歸湯治婦人有孕胎痛

當歸_{兩一}

熟地_{兩二}

右為末作一服水三升煎至一升半去渣頓服之

仲婦人腹中痛小建中湯主之_{方見虛勞}

雲芎歸湯治妊娠先患冷氣忽心腹痛如刀刺_上

川芎

人參

茯苓

桔梗

吳茱萸

當歸_{各一兩}

厚朴_制

芍藥_{各二兩}

右以咀以水九升煎取三升分三服氣下即安

丹孫院君因近喪胃惡氣傷胎肚痛手不可近發熱口中不思食須安胎散滯氣

熱

寒

青皮_{錢三}

黃芩

芍藥_{各二錢}

歸尾_{半一錢}

川芎_{錢一}

木香_{分五}

甘草_少

分一貼水三盞先煎芎根二大片至二盞去芎根入前

藥同煎至二盞煎服

大治妊娠腹痛用生地黄三斤搗汁酒一升合煎減半頓

服愈

診

胎師曰婦人有胎腹痛其人不安若胎病不動欲知生死

令人摸之如覆杯者則男如肘頭參差起者女也冷在何

面冷者為死温者為生

敗血挾

大黑神散治產後惡露不盡心曾痞滿臍腹撮痛汚血諸

疾_{方見婦人產後}

丹產後三日血塊痛發熱

挾熱

五靈脂炒 牡丹皮 沒藥 滑石

右研細分五貼豆淋酒下之食前

披虛 馮宅產後發熱腹中痛有塊自汗惡寒會服黑神散

白朮 芍藥錢三 滑石錢五 黃芩錢二

牡丹皮錢二 人參 川芎 歸尾

陳皮 荆芥錢各一 乾姜錢一 甘草些

之活血清 雲捲荷散治產後血上衝心血刺血暈腹痛惡露不快

初出捲荷 紅花 當歸各二 蒲黃炒

牡丹皮各半

右為細末每服三錢空心温酒調下三碗或用童便調下妙

大治血瘕痛無定處

童便升三 生地汁 生藕汁各一 生姜汁二

右先煎三味約三分減二次下姜汁慢火煎如稀錫每

取一合温酒調下

治兒枕痛乃血瘕也用真蒲黃研細調服二錢如燥渴者

用新汲水調下

重劑 丹治產後兒枕太痛黑白散

烏金石醋煨七 寒水石煨存性

右各收之服時各抄一錢半米飲調下痛止勿服未止

再服

輕劑

海四物加玄胡沒藥自芷湯治產後敗血作痛方見婦

四物苦練湯方見 一方治臍下痛不可忍四物湯加玄

胡索二錢半服之

大紫金丸治產後臍下痛即失笑散醋為丸是也五靈脂

分醋丸服

立効散治產枕痛不可忍用五靈脂慢火炒令乾為末二錢温酒下立瘥產枕即血枕也

丹產後惡露未盡小腹作痛五靈脂 香附末

右合和醋為丸其者入留尖桃仁一方加

大治產後血不盡血痛悶方取敗荷葉燒作灰暖水和服

煮汁服亦良又方取亂髮如雞子大灰汁洗淨燒為末

酒調服二錢治產後血暈腹痛及喉痺熱因寒用鐵稱

錘煨令通赤粹酒中候温飲之丹溪法用碎醋中使真聞其氣妙

峻劑 仲產婦脇痛法當以枳實芍藥散假令不愈者此為腹中

有乾血着臍下宜下瘀血湯主之亦主經水不利

右三味為末煉蜜和為四九以酒一升煎三九取八合

頓服之新血下如豚肝

又方療產後血結下不盡腹中絞痛不止

大黃另 生地 當歸各二兩半 川芎

芍藥 桂心各一兩 甘草 黃芩各二兩

桃仁四十九箇制

右切細以水七升煮取三升半大黃更煎一二沸分二

服

桂心丸治產後血氣不散積聚成塊上攻心腹或成寒熱

四肢羸瘦頭痛

青皮 乾漆炒烟尽 沒藥

當歸 桂心 赤芍 枳榔

大黃 桃仁去皮 蟾甲醋 牡丹皮各五錢

三稜煨 玄明索各一兩 厚朴制

右為細末煉蜜丸如桐子大每服三四十九溫酒下

保治血暈血結或聚於胃中或偏於小腹或連於脇肋四物湯四兩倍當歸川芎加鬼箭紅花玄胡各一兩同為粗末加四物煎調沒藥散服之

四物黃芩

二錢去水蛭一錢

麝香少

沒藥

右為末入前藥調服血下痛止只服一服

虛寒

仲產後腹中疼痛當歸生薑羊肉湯主之後方見產後血弱

一婦人產當寒月寒氣入產門臍下脹滿手不得犯此寒疝也醫將治之以抵當湯調其有瘀血也予教之曰非其治也可服張仲景羊肉湯少減作一服遂愈

內補當歸建中湯治婦人產後虛羸不足腹中刺痛不止吸吸少氣或苦少腹中急痛引腰背不能飲食產後一月日得服四五劑為善令人強壯

當歸四兩

桂枝二兩

芍藥六兩

生薑三兩

甘草兩

大棗十二枚

右六味以水一斗煮取三升分溫三服十日令盡若大虛加飴糖六兩湯或內於火上煖令飴消若去血過多崩傷肉筋不止加地黃六兩阿膠二兩入五味湯或內阿膠服之

雲產後六七日忽然臍腹痛皆因呼吸冷氣乘虛入客於血分宜服當歸建中湯上方見

六獨聖湯治產後腹痛當歸為末每服二錢水一盞煎至七分溫服

雲治產後惡物不盡腹內疼痛產後常服此妙

生地

當歸並各一兩生薑五錢細切新

右為細末姜酒調二錢服

大治產後血塊痛

熟地一斤 陳生姜併

右拌勻同炒乾為末每服一錢酒調產後以烏梅二下

乏

實 仲產後腹痛滿不得便以枳實為藥散主之

枳實燒令黑勿太過

芍藥研末

右二味併為散服方寸七日三服并主癰腫以麥粥下

乏

產後腹痛服枳實芍藥散不愈者宜下瘀血湯主之方見

條

仲產後七八日無太陽症少腹堅痛此惡露不盡不大便

煩燥發熱日晡時煩燥者不食食則譫語至夜即愈宜大

承氣湯主之熱在裏結在膀胱也大承氣湯方見傷寒

雜 山兒枕痛用隔年蟹壳燒灰酒下

藥忌 丹局方五積散治產後餘血作痛以蒼朮為君麻黃為佐

厚朴枳實為使雖有當歸芍藥之補血僅及蒼朮三分之

一不思產後之婦有何寒邪血氣未充似難發汗借日藥

性溫和可以推陳致新豈可用麻黃之悍味以倉朮枳朴

之散乎虛而又虛禍不旋踵矣

針灸 產後血塊痛三陰交氣海宜灸

腸鳴

寒熱 垣如胃寒泄瀉腸鳴於沐陽除濕湯加益智仁五分半夏

五分生姜棗子和煎升陽除濕湯方見泄瀉

虛寒 丹腹中水鳴乃火擊動其水也二陳湯加苓連梔子腹

中鳴者病本於胃也全文見水腫 腸鳴多屬脾胃虛男子

腸鳴食少臍下有塊耕動若得下氣多乃已八則復鳴醫

用陳氣藥與服半年不効予用參朮為君甘草連參枳乾
姜為臣一貼腸鳴止食進又每服吞厚朴紅苳丸其氣
亦平經云脾胃虛則腸鳴腹滿又云中氣不足腸為之苦
鳴此之謂也

肺移寒於腎為涌水涌水者按之腹不堅水氣客於大腸
疾行則鳴濯濯如囊裏水漿之聲也全文見疹
病傳皮

洞葶藶丸治涌水疾行則腹鳴如囊裏水漿之聲

葶藶隔紙 澤瀉 椒目 桑白皮

杏仁 猪苓去黑紋

右為末煉蜜丸桐子大每二十九葱白湯下不拘時以

利為度

運氣 運氣腸鳴有二

一曰上炎經云土鬱之發腸鳴而為數後是也

二曰熱勝經云少陰在泉熱淫所勝病腹中腸鳴氣上行
胃治以鹹寒是也

針灸

針灸腸鳴有三法

其一補脾經云脾虛則腹滿腸鳴飧泄食不化取其經太
陰陽明少陰血者是也

其二補足太陽經云中氣不足腸為之苦鳴補足外踝下
留之五分申脉穴也

其三取太陽經云腸中雷鳴氣上衝胃邪在大腸刺胃之
原巨虛上廉三里是也

用腹中常鳴時上衝心灸臍下 腹中腸鳴盈於然食不
化脇痛不得臥煩熱泄糜不嗜食胃脇痞滿喘息而衝鬲
嘔心痛及傷飽身黃骨瘦羸章門主之 腸鳴相逐不可
傾倒承滿主之 腸鳴而痛溫留主之 飲食不下腹中

雷鳴太便不節小便赤黃陽綱主之

嘔吐膈氣總論

大法
吐分三焦
論曰吐有二氣積寒也皆從三焦論之上焦在胃口上
通天氣主內而不出中焦在中脘上通天氣下通地氣主
腐熟水穀下焦在臍下下通地氣主出而不納是故上焦
吐者皆從於氣上者天之陽也其脈浮而洪其症食已暴
吐渴欲飲水大便燥結氣上衝胃而發痛其治當降氣如
中上焦吐者皆從於積有陰有陽食與氣相假為積而痛
其脈浮而弦其症或先痛而後吐或先吐而後痛治法當
以毒藥去其積檳榔木香和其氣下焦吐者皆從于寒
地道也其脈大而遲其症朝食暮吐暮食朝吐小便清利
大便秘而不通治法宜毒藥通其閉塞溫其寒氣太衝漸
通復以中焦藥和之不令太腑結閉而自安也

右潔古論三焦吐其說蓋本於黃帝所謂氣為上膈食
飲入而還出為下膈食時時反出之其上焦食已暴
吐者今世謂之嘔吐也中下二焦朝食暮吐暮食朝吐
者今世謂之膈氣反胃也分嘔吐膈氣為二門

- 嘔吐 吐 乾嘔 惡心 嘔苦水 吐酸吞酸
- 嘔吐清水 嘔沫 嘔膿 嘔吐虫 吐利

關格

嘔噦
分三陽
垣夫嘔吐噦者俱屬於胃胃者總司也以其氣血多少為
異耳且如嘔者陽明也陽明多血多氣故有聲有物氣血
俱病也仲景云嘔多雖有陽明症慎不可下孫真人云嘔
家多服生姜乃嘔吐之聖藥也氣逆者必散之故以生姜
為主吐者太陽也太陽多血少氣故有物無聲乃血病也
有食入則吐有食已則吐以陳皮去白圭之噦者少陽也

少陽多氣少血故有聲無物乃氣病也以姜製半夏為主故宋奉議治嘔吐噦以生姜半夏陳皮之類是也究其三者之源皆因其脾胃虛弱或因寒氣客胃加之飲食所傷而致也宜以丁香藿香半夏茯苓陳皮生姜之類主之按噦實指吃逆今先賢慎釋為乾嘔者非也若但有內傷而有此疾宜察其虛實使內消之痰飲者必下之當分其經對證用藥不可亂也

表實者
辛瀉

仲諸嘔吐穀不得下者小半夏湯主之

嘔家本渴渴者為欲解今反不渴心下有支飲故也小半夏湯主之用半夏一升生薑半斤以水七升煮取一升半分溫再服

半夏升 生薑斤 茯苓三兩一法四兩

卒嘔吐心下痞腸閉有水眩悸者小半夏加茯苓湯主之

右三味以水七升煮取一升半分溫再服

陳皮湯治嘔方見乾嘔

孫治嘔吐以白檳榔一枚煨陳皮十分炙剉為末水一盞煎半盞服之

右姜半橘治嘔吐必用之聖藥然東垣云辛藥生姜之類治嘔吐但治上焦氣壅表實之病若胃虛穀氣不行胃中閉塞而嘔者惟宜益胃推揚穀氣而已勿作表實用辛藥瀉之

甘益者

仲胃反嘔吐者大半夏湯主之服前小半夏湯諸湯不愈者服此立愈

半夏二升洗 完用人參三 白蜜升
右三味以水一斗三升和蜜揚之二百四十遍煮藥取三升溫服一升餘分再服

李絳療反胃嘔吐無常粥飲入口即吐困倦無力垂死者

以上黨人參三兩大兩劈破水一大升煮取四合熱頓服
丹久病嘔者胃虛不納穀也

生姜

人參

黃芪

白朮

香附

胃虛有寒嘔吐者東垣丁香茱萸湯仲景理中湯皆益胃
推揚穀氣之劑也方見寒條

大便不通者利之

垣若陰虛邪氣逆上室塞嘔噦不足之病此地道不通也

正當用生地黃當歸桃仁紅花之類和血涼血潤血兼用
甘草以補其氣微加大黃芒硝以通其閉大便秘邪氣去

穀氣久虛者食飲和之

則氣逆嘔噦自不見矣復有胃中虛熱穀氣久虛發而

為嘔噦者但得五穀之陰以和之則嘔噦自止五穀皆屬陰或食或飲白湯或喜涼者飲凉水皆能止嘔噦不必用藥也

痞者治

中嘔而腸鳴心下痞者半夏瀉心湯主之方見傷寒

垣加減二陳湯治痰飲為患或嘔噦惡心或頭眩心悸或
中脘不快或發為寒熱或因食生冷脾胃不和並宜治之

丁香兩一

半夏兩五

陳皮兩五

茯苓兩二

甘草半兩

右咬咀每服四錢水一盞半生姜三片烏梅一箇同煎
至七分去渣熱服無時或治痰痞加草薹麩麩裏煨熟
一兩半

藿香安胃散治脾胃虛弱不飲食嘔吐不時

藿香半錢

丁香二錢

人參二錢

橘紅五錢

右件四味為細末每服二錢水二盞生姜三片同煎至

一盞去渣服食前

垣丁香吳茱萸湯治嘔吐噦胃寒所致

丁香分五

吳茱萸

草薹

人參各一錢

甘草五分
 茯苓五分
 乾姜五
 黃芩一分
 當歸錢
 柴胡五分
 蒼朮錢
 升麻七分
 半夏五

右為細末每服半兩水二盞煎至一盞去渣熱服食前忌冷物

世藿香平胃散治嘔吐不止

藿香兩
 半夏兩
 陳皮去白二兩
 厚朴製一兩
 蒼朮三兩
 甘草二兩
 右為粗末每服五錢水一盞半生薑三片棗三枚同煎去渣溫服

羅紅荳丸諸藥不愈者神效方見扁氣寒條

杜安業坊有閻氏家老婦人患嘔吐請石秀才醫曰胃冷而嘔下理中丸至百餘丸其病不愈石疑此患召杜至曰

藥病正相投何必多疑石曰何故藥相投而病不愈杜曰寒氣甚藥力未及更進五十九丸必愈如其言果愈石於是師法於杜

海理中湯加減例理中湯方甘草人參白朮乾姜各等分

若為寒氣濕氣所中者附子一兩名附子理中湯若霍亂吐瀉者加橘紅青橘皮各一兩名治中湯若乾霍亂心腹作痛先吃鹽湯少許頓服嘔吐出令透即進此藥若嘔吐者於治中湯內加丁香半夏一兩生薑十片若泄瀉者加橘紅茯苓各一兩名補中湯若泄瀉不已者於補中湯內加附子一兩不喜飲食水穀不化者再加炒砂仁一兩共成八味若霍亂吐下心腹作痛手足逆冷於本方中去白朮加熟附名四順湯若傷寒結胸先以桔梗枳殼等分煎服不愈者及吐

利後胸痞欲絕心膈高起急痛手不可近者加枳實茯苓各一兩名枳實理中湯若渴者但於枳實理中湯內加瓜蒌根一兩若霍亂後轉筋者理中湯內加石膏一兩煨若臍下築者腎氣動也去朮加官桂一兩腎惡燥故去朮恐作奔豚故加官桂若悸多者加茯苓一兩若渴欲飲水者加米半兩若苦寒者加乾姜五錢若腹滿者去白朮加附子一兩若飲酒過多及啖炙煨熱食發為鼻衄者加川芎一兩若傷胃吐血以此藥能理中脫分利陰陽安定血脉只用本方若中附子毒者亦用此方或止用甘草生姜等分煎服或以烏頭煎湯解之

仲嘔而胃滿者吳茱萸湯主之方見傷寒吐嘔而脈弱小便復利身有微熱見厥逆者四逆湯主之方見傷寒下利

杜王普侍郎病嘔飲食皆不得進召孫數日亦不愈後復召杜杜曰治嘔愈嘔此胃風也遂用川烏一兩淨洗去皮臍不去以漿水一碗煮乾每箇作兩片復用漿水一碗煮盡更作四片每細爵一片以少溫水下少頃嘔遂止痛既少息杜遂問曰尋常好吃何物曰好吃甘甜之物杜曰是甘甜乃膏粱之物積久成熱因而生風非一朝一夕之故也至服其說痛而嘔為寒經云寒氣客於腸胃厥逆上出故痛而嘔者是也

丹嘔吐胃中有熱膈上有痰二陳湯加炒梔子黃連生姜主之此方累試效
仲嘔而發熱者小柴胡湯主之方見往來寒熱
察用小柴胡湯加青黛以姜汁打糊為丸名青鎮丸治嘔

吐服弦頭痛蓋本諸此

本治胃熱嘔以竹茹湯

乾葛錢

甘草錢

半夏

三錢姜汁半盞漿水一升煮耗半

右末每服五錢水一盞姜三片竹茹一彈大棗一枚同煎至一盞去渣溫服

有熱者手足心熱政和年有京人病傷寒得汗身涼數日忽嘔吐藥與飲食俱不下醫者皆進丁香藿香滑石等藥下咽即吐予曰此正汗後餘熱留胃脘孫兆竹茹湯正相當爾治藥與之即時愈良方中櫻花散亦相應

定嘔吐利膈枇杷散

枇杷葉

去毛味苦平下氣

人參錢

茯苓錢

茅根兩

半夏

右細剉每服四錢水一盞半生姜七片慢火煎至七分

去查入檳榔末五分和勻服之

仲嘔吐而病在膈上後思水解急與之思水者猪苓散主

猪苓

茯苓

白朮

各等分

右三味杵為散飲服方寸七日三服

仲景云嘔吐思水解者急與之予長男每嘔水三二碗諸藥不効但吃井花水一口即住用白朮茯苓湯服愈信知先賢不誣也

本治卒嘔吐不止不欲食煮枇杷葉汁飲之止瀉偏理嘔

吐

丹婦人月經時口渴吃水多心痞善嘔不食

白朮

陳皮

山梔

木通

黃芩

炙甘草

各一錢

汚血

分二貼水二受煎小盞入姜汁熱飲之
本治產後嘔不止者香靈丸

丁香

辰砂另研各五靈脂錢

右香脂先研末後入砂再研勻用狗膽或猪膽丸如雞
頭大每服一丸生薑陳皮湯磨下

臟腑

諸痿喘嘔皆屬於上全文

太陰所謂食則嘔者物盛滿而上溢故嘔解

辛散

辛散逆氣方用姜半橘之類並見上

苦泄

廣治嘔逆不能食訶黎勒皮二兩去核搗為末煉蜜和丸

梔子大空心服二十九日二服

酸收

食木瓜主嘔呃風氣又吐而轉筋煮木瓜汁飲之甚良

吐脚氣

世若病人直患嘔吐而復脚弱或疼乃是脚氣當作脚氣
治之

運氣

運氣嘔吐有四

一曰火熱經云少陰司天熱氣下臨嘔逆躁煩又云少陽
所至為嘔涌又云少陽之復嘔逆又云火鬱之發嘔逆治
以鹹寒甘寒是也

二曰風經云厥陰在泉風淫所勝病食則嘔又云厥陰司
天風淫所勝食則嘔又云厥陰之勝其則嘔又云厥陰之
復嘔吐飲食不入入而復出甚則入脾食痺而吐治以辛
涼甘清酸清是也

三曰風火經云少陽司天之政風熱參布民病嘔吐
之氣病熱鬱於上致逆嘔吐三之氣民病嘔又云太陽司天
之政初之氣病見熱頭痛嘔吐治以酸寒辛寒鹹寒是也
四曰濕經云陽明司天之政初之氣其病嘔又云土鬱之
發甚則心痛脚腫嘔吐是也

鍼灸

鍼灸嘔吐取法有二其一取脾經云脾足太陰之脈是動則病食則嘔視盛虛熱寒陷下取之也

其二取肝經云肝足厥陰之脈所生病者胃滿嘔逆視盛虛熱寒陷下取之也

潔嘔盛無度并乾嘔太陵間使

扁嘔逆中腕尺澤

摘胃中痰飲霍亂驚悸腹脹暴痛恍惚吐逆不食巨闕

六三里愈

肝脈緩為善嘔全文見虛實法

禁忌

孫真人言生姜為嘔家聖藥謂上焦氣壅表實之病而言非以瀉氣而言之也並脾胃虛弱穀氣不行榮衛下流是中氣不利清氣津液不上胃中閉塞氣道不開亦令人

噦惟宜益胃推揚穀氣而已勿作外實以辛藥生姜之類瀉其雍滯及妄以瀉氣瀉血藥下之則轉增閉塞疼痛或變作結胸復下其膈由此致危者多矣蓋氣已虛而反瀉之是重瀉其氣必胸中如刀削之痛與正結胃無異可不慎哉

丹嘔吐煎藥忌瓜萸杏仁桃仁蘿蔔子山梔皆要作吐丸藥中帶香藥行散不妨注船大吐渴飲水者即死童便最好

吐無物

上焦熱

潔治上焦氣熱上衝食已暴吐脈浮而洪宜先降氣和中

桔梗湯

桔梗半兩 白朮半兩 半夏二兩 陳皮皀
枳實炒 茯苓 厚朴各一兩

右粗末每服一兩水一盞煎至七分取清溫調木香散二錢隔夜空腹服之三服後氣漸下吐漸去然後去木香散加芍藥二兩黃芪一兩半同煎服之病愈則止如大腑燥結食不盡下以天承氣湯去稍微下之少利為度再服前藥補之如大便復結又依前微下之

木香散 木香 檳榔等

右為細末同煎藥調下

保治暴吐上焦氣熱所衝也經曰諸嘔吐酸暴注下迫皆屬于火脈洪而浮者荆黃湯主之

荆芥兩 人參錢五 甘草二錢 大黃錢

右粗末作一服水二盞煎至一盞去查調檳榔散二錢空心服之

檳榔散

檳榔錢 木香半錢 輕粉少

右為細末同煎藥下如丸亦用水浸蒸餅為丸如小荳大每服二十丸食後服

李絳獨參湯治嘔吐胃弱欲死方見嘔胃虛條

仲 大黃甘草湯治食已即吐又治吐水

大黃兩 甘草兩

右二味以水二升煮取一升分溫再服

雄黃錢

金花丸治吐食而脈弦者由肝勝于脾而吐乃由脾胃之虛宜治風安胃

食不下

半夏湯洗 檳榔二錢 雄黃錢

右細末姜汁浸蒸餅為丸如桐子大小兒另丸姜湯下從少至多漸次服之以吐止為度風痰羈絆于脾故飲

肝乘脾

治吐頭痛有汗脈弦青鎮丸主之

柴胡兩

黃芩七錢

甘草

半夏三錢

青黛半錢

人參錢五

右細末姜汁浸蒸餅丸桐子大每服五十九丸姜湯食後下

仲胃反吐而渴欲飲水者茯苓澤瀉湯主之

茯苓斤半

澤瀉兩

甘草兩

桂枝兩

白朮兩

生姜兩

右六味以水一斗煮取三升內澤瀉再煮取二升半溫服八合一日三服

本食即吐欲作反胃白朮散

澤瀉

白朮

茯苓各等分

右為末每服一錢湯調溫服

汚血

經治丈夫婦人吐逆連日不止粥食湯藥不能下者可以

五靈脂不夾土石揀精好者不計多少搗細末研狗膽汁

和為丸如雞頭大每服一丸煎熟生姜酒磨細更以少生

姜酒化下凡湯藥令極熱須是先做下粥溫熱得所左手

與患人藥吃不得嗽口右手急將粥與患人吃不冷太多

碧霞丸治吐逆立効黃丹四兩篩過用好米醋半升同藥

入鉢內煎乾却用炭火三稱就鉢內煨透紅冷取研細為

末用粟米飯丸如桐子大煎醋湯下七丸不嚼只下服

運氣

運氣吐皆屬風水經云厥陰之復甚則入脾食痺而吐又

云歲木太過風氣流行民病脇痛吐食治以酸清之類是

也

灸刺見前灸刺嘔吐條

脈陽緊陰數其人食已即吐陽浮而數亦為吐寸緊尺

診

瀋其人胸滿不能食而吐寸口脈數其人則吐寸口脈細而數數則為熱細則為寒數為嘔吐仲問曰病人脈數數為熱當消穀引食而反吐者何也師曰以發其汗令陽微膈氣虛脈乃數數為客熱不能消穀胃中虛冷故吐也

乾嘔無物

散者

仰乾嘔噦若手足厥者陳皮湯主之

陳皮兩

生姜半斤

右二味以水七升煮取二升溫服一升下咽即愈

緩者

用主卒乾嘔不息取甘蔗汁溫服半升日三又以生姜汁一升服並瘥治卒乾嘔不息搗葛根絞取汁服一升瘥

本草云生葛根汁大寒

惡心欲吐

濕痰

丹惡心有熱有痰皆用生姜隨証用藥

仲病人胃中似喘不喘似嘔不嘔似噦不噦徹心中憤憤然無奈者生姜半夏湯主之

半夏半斤

生姜一升

右二味以水三升煮半夏取二升內生姜汁煮取一升

半少冷分四服日三夜一服止停後服

風痰

垣茯苓半夏湯治胃氣虛弱身重有痰惡心欲吐是邪氣羈絆於脾胃之間當先實其脾胃

炒麴三

大麥蘖半兩陳皮

天麻各二錢

白朮

白茯苓

半夏各一兩

右為粗末每服五錢水一盞生姜五片煎至三盞去渣

熱服

柴胡半夏湯治舊有風症不敢見風眼澁眼黑胃中有痰

惡心兀兀欲吐但遇風覺皮肉緊手足難舉動重如石若在暖室少出微汗其症隨減再遇風病復如是

半夏二錢

炒麴一錢

生姜三片

柴胡

升麻各五分

蒼朮一錢

藜本五分

白茯苓七分

胃寒

右為粗末只作一服水二盞煎至五沸去渣溫服張文仲治胃氣冷吃食即欲得吐以白苳蔻仁三枚搗篩更研細好酒一盞微溫調之併飲三兩盞佳

產後嘔

仲病人欲吐者不可下之

雲蒲黃散治產後三四日惡露不下嘔逆壯熱

芍藥二兩

知母二兩

生姜

當歸

蒲黃各二兩

紅花五錢

荷葉心中帶筋

生地汁盞一

右咬咀水二升煎至一升去渣下蒲黃煎數沸空心分

三服

療產後嘔吐不止

橘紅一兩

半夏麴

甘草各五錢

藿香一兩

右為細末每服三錢姜三片水煎

大開胃散治產後胃氣不和嘔吐不止全不納飲食

訶子肉半兩 人參一兩

甘草兩

右三味為細末別以半夏半分生姜一分葱白二七莖水二大盞煎至六分去渣分為二服

嘔苦水

丹鄭宅如夫人清早嘔苦水服渣而微起轉如常此胃弱而上脫有濕也

黃芩錢

滑石半兩

蒼朮半兩

飛礬二兩

陳皮一兩

山查一兩

半夏一兩

桔梗錢

針灸

炒芩錢五

姜水煎服

刺灸嘔苦獨取膽與胃經云善嘔嘔有苦長太息邪在膽
逆在胃膽液泄則口苦胃氣逆則嘔苦故曰嘔取膽三里
以下胃氣逆則刺少陽血絡以開膽逆卻調虛實以去其
邪又云口苦嘔宿汁取陽陵泉是也

運氣

運氣嘔苦皆屬燥經云陽明在泉燥淫所勝病善嘔嘔有
苦又云陽明之勝嘔苦治以苦溫辛溫是也

吐酸吞酸

丹溪治本之熱

或曰吞酸素問明以為熱東垣又以為寒何也予曰吐
酸與吞酸不同吐酸是吐出酸水如醋平時津液隨上亦
之氣鬱積而成積成積既久濕中生熱故從木化遂作酸
味非熱而何其有鬱積之久不能自涌而出伏於肺胃之
間略不得上嘔不得下肌表得風寒則內熱愈鬱而酸味

刺心肌表溫暖腠理開發或得香熱湯九津液得行亦可
暫解非寒而何素問言熱者言其本也東垣言寒者言其
末也但東垣不言外得風寒而作收氣立說欲瀉肺金之
實又謂寒藥不可治酸而用安胃湯加減二陳湯俱犯下
香且無治熱濕鬱積之法為未合經意予嘗治吞酸用黃
連茱萸各製炒隨時令送為佐使蒼朮茯苓為輔湯浸蒸
餅為小丸吞之仍教以糲食蔬果自養則病易安吞酸
用茱萸順其性而折之此反佐之法也必須以炒黃連
為君

咽醋丸

茱萸去枝梗半兩 陳皮去白五錢 黃芩炒五錢
蒼朮七分 黃連一兩 細切用
右為細末 麵糊丸 桐子大

參黃丸可治吞酸不可治自利方見
兵部手集治酸心每醋氣上攻如酸醋菜更下合水三盞
煎七分頭服總濃亦強服

梅治酸心枳榔四兩陳皮二兩細搗為末空心生蜜湯下
方寸七一

丹丈夫因外感涼氣與宿飲相搏心下酸噦嘔清水後有
紅

青皮三

黃芩半

人參二

紫蘇

木通

甘草

枳殼二

桔梗半

麻黃分

東垣治
未之寒

垣病機云諸嘔吐酸皆屬於熱辨云此上焦受外來客邪
也胃氣不受外邪故嘔傷寒論云嘔家雖有陽明症不可
攻之是未傳入裏三陰不受邪也亦可見此証在外也仲

濕飲

景以生妻半夏治之孫真人云嘔家多用生姜是嘔家聖
藥以禱病論之嘔吐酸水者甚則酸水浸其心不在其苦
其次則吐出酸水令上下牙酸澀不能相對以大辛熱劑
療之必減吐酸嘔出酸水也酸味者收氣也西方肺金旺
也寒水乃金之子子能令母實故用大酸熱之劑瀉其子
以辛熱為之佐以瀉肺之實以病機之法作熱攻之者悞
矣蓋雜病醋心濁氣不降欲為中滿寒藥豈能治之乎
加減二陳湯 藿香安胃散二方並見前
嘔吐痰飲門
本予平生有二疾一則下血二則膈中停飲下血有時而
止停飲則無時始因年少時夜坐為文左向伏几案是以
飲食多墜向左邊中夜以後稍困之必飲酒二三盞既臥
就枕又向左邊側睡氣壯盛時殊不覺三五年後覺酒止
從左邊下漉漉有聲脇痛飲食外減十數日必嘔數升酸

水暑月止是右邊身有汗漿々常潤左邊病處絕燥遍訪
名醫及海上方服之少有驗者間或中病止得月餘復作
其補如天雄附子礬石其利如牽牛甘遂大戟備嘗之矣
予後揣度之已成癖囊如潦水之有科自不盈科不行水
必盈科而行也清者可濁濁者可清蓋下無路以出
之也是以積之五七日必嘔而去稍寬數日復作脾土惡
濕而水則流濕莫若燥脾以勝濕崇土以填科自則疾當
去矣於是悉屏諸藥一味服蒼朮三月而除自此後一向
數年不吐不嘔胃膈寬飲啖如故暑月汗周體而身涼飲
亦從中下前此飲漬其肝目亦多昏眩其後燈下能書細
字皆蒼朮之力也其法蒼朮一斤去皮切末之用白芝麻
半兩水二盞研搗取汁大棗十五枚爛煮去皮核研以麻
汁勻研成稀膏搜和入相熟枳丸如桐子大乾之每日空

腹溫湯吞下五十九粒加至一百九十二粒忌桃李雀鷄初
服時必膈微燥且以茅朮製之覺燥甚再進山梔子散一
服久之不燥也予服半年以後止用燥烈味極辛者削去
皮不浸極有力亦自然不燥山梔散用山梔一味乾之為
末沸湯點服故知久坐不可伏向一邊時或運動亦調息
之法

治酒癖停飲吐酸水乾姜丸理惠

乾姜 葛根 枳殼 橘紅

前胡各五 白朮 半夏麩酪 茱萸

甘草各一分

右細末煉蜜丸如桐子大每服三十九丸用米飲服有劫
治中風痰涎飲眩暈嘔吐酸水頭痛惡心

半夏兩 南星 白附各一兩

右並生為末滴水丸如桐子大以生麵裹衣陰乾每服十九至二十九生薑湯下

子和棠溪張鳳村一由叟姓楊其病嘔酸水十餘年本留飲諸醫皆以燥劑治之中腕臍肝以火艾燻鍼刺之瘡未嘗合戴人以苦劑越之其涎如膠乃出二三升談笑而愈運氣吐酸皆屬於熱經云諸嘔吐酸皆屬於熱又云少陽之勝欲嘔嘔酸治以辛寒是也

針灸 東吐宿汁吞酸 章門 神元

嘔吐清水

濕飲

本一味蒼朮丸治嘔吐清水如神方見吐酸濕飲仲茯苓飲治心胃中有宿痰宿水自吐出水後心胃間虛氣滿不能食消痰氣令能食

茯苓 人參 白朮各三 枳實二

陳皮錢五 生薑兩四

右六味水六升煮取一升八合分溫三服如人行八九里進之

丹盛兄兩手脈眩飲後嘔清水

神麴 蒼朮 香附各五 益元散兩

半夏七錢

右為末姜汁浸蒸餅為丸

仲渴欲飲水入則吐者名曰水逆五苓散主之方見傷寒

丹施十年四十因灸火太多病腸內下血糞肝痛今痛自止善嘔清水食不下宜清胃口之熱

黃芩五錢 陳皮 地黃各一 白朮半錢

連翹錢 甘草 茯苓五錢 生薑三片

千治痰飲水吐無時節者其源因冷飲過度遂令脾胃氣

寒

火毒

運氣

羸不能消於飲食飲食入胃則皆變成冷水反吐不停皆赤石脂散主之赤石脂一斤搗篩服方寸匕酒飲時稍加至三七服盡一斤終身不吐痰水又不下痢補五臟令人肥健有人痰飲服藥不愈用此方愈

運氣嘔吐清水有一
一曰濕經云太陰之復嘔而密默唾吐清液治以甘熱是也

二曰寒經云諸病水液澄澈清冷皆屬於寒是也

寒

仲乾嘔吐逆吐涎沫半夏乾姜散主之

半夏

乾姜各等分

右二味杵為散取方寸匕漿水一升半煎取七合頓服之

嘔沫

乾嘔吐涎沫頭痛者吳茱萸湯主之傷寒方見

婦人吐涎沫醫反下之心下即痞當先治其吐涎沫小青龍湯主之涎沫止乃治痞瀉心湯主之

刺灸嘔沫獨取手太陰經云手太陰厥逆虛滿而欬善嘔沫治主病者是也

診

脾脈微急為膈中食飲入而還出後沫全文見虛實法經云急者多寒

仲嘔家有癰膿不可治嘔膿盡即愈

雜方

丹吐黃黑錫炒成灰檳榔末米飲調下

仲就厥者當吐就令病者靜而復時煩此為臟寒就上入膈故煩須更復止得食而嘔又煩者就聞食臭出其人當自吐就就厥者烏梅丸主之又主利方見傷寒厥陰論

針灸 刺灸嘔虫獨取胃經云胃欬之狀欬而嘔嘔甚則長虫出

診 取胃三里是也

脈關上脈微浮積熱在胃中嘔吐或虫心健忘

仲病人有寒復發汗胃中冷必吐

成無已云若止嘔吐而利經云謂之吐利是也上吐下利

躁擾煩亂乃謂之霍亂其與但稱吐利者有異也蓋暴於

耳及者為霍亂可數日久之者為吐利今以暴為霍亂者寓

於傷寒吐利門徐而日久者入此門

寒 上吐下瀉不止當瀉而反不瀉脈微細而弱者理中湯

主之傷寒 泄瀉或嘔吐六一散生姜汁湯調

夫夫因辛苦發熱腰膝痛吐瀉交作

白朮 滑石 陳皮各二 木通

柴胡半錢 人參錢 甘草分

脈心乘肝必吐利

運氣 運氣吐利有二 一曰風水經云厥陰所至為嘔泄又云木太過曰發生發

生之紀上徵則氣逆其病吐利是也 二曰寒水經云水太過曰流衍流衍之紀其動漂泄沃涌

是也 是也 涌謂吐沫也

脾 欬嘔腹痛且發泄其脈絕是逆也 論文視

仲乾嘔而利者黃芩加半夏生姜湯主之

黃芩三兩 甘草二兩 芍藥二兩 半夏半斤

生薑四兩 大棗二十個 右六味以水一斗煮取三升去滓溫服一升日再夜下

服

黃芩湯治乾嘔下利

黃芩兩

人參

乾姜兩三

桂枝兩

大棗十二

半夏兩

右六味以水七升煮取三升溫分三服

風痰

潔水煎金花丸治有痰而泄痢不止甚則嘔而欲吐利下而不能食由風痰羈絆脾胃之間

半夏一兩

天南星一兩

天麻兩

寒水石一兩燒存性

雄黃半錢

白麵兩

右為末滴水為丸桐子大每服百丸先煎漿水沸下藥

煮令浮為度漉出生薑湯下食前

關格

關者不得小便格者吐逆上下俱病者也

木煎

寒熱

難邪有六腑則陽脈不和陽脈不和則氣留之氣留之則

陽脈盛矣邪在五臟則陰脈不和陰脈不和則血留之血

留之則陰脈盛矣陰氣太盛則陽氣不得相營也故曰隔

陰盛陽不得營故寸口大三四倍於人迎陽氣太盛則陰氣不得相營也故曰

關陽盛陰不得營故寸口陰陽俱盛不得相營也故曰關格

關格者不得盡其命而死矣三十

關則不得小便格則吐逆關者甚熱之氣格者甚寒之

氣是關無出之由故曰關也格無入之理故曰格也 寒

在胃中過絕不入熱在下焦填塞不便

陰陽易位病名關格胃膈上陽氣常在則熱為主病身

半已下陰氣常在則寒為主病寒反在胃中舌上白胎而

水漿不下故曰格格則吐逆熱在丹由小便不通故曰關

關則不得小便胃中有寒以熱藥治之丹由有熱以寒藥

治之若胃中寒熱兼有以主客之法治之治主當緩治客當急尺寸反者死陰陽交者死關格者不得盡其命而死矣

丹必用吐提其氣之橫格不必在出痰也 有痰以二陳湯吐之吐中便有降 有中虛氣不運者補氣藥中升降之

孫奉職趙令儀女忽吐逆大小便不通煩亂四肢漸冷無脈凡一日半與大承氣湯下劑至夜半漸得大便通脈漸和翌日乃安此關格之病極為難治垂死而活者惟此一人耳

通 治大小便不通關格不利燒皂角細研粥飲下三錢豆小關格脹滿大小便不通獨頭蒜燒熱去皮紙裹納下部

氣立通

診 寸口脈浮而大浮為虛大為實在大為關在寸為格關則不得小便格則吐逆

脈下微本大者則為關格不通不得尿頭無汗者可治有汗者死成註云下微謂脈沉之而微也本大謂關後脈大也

膈氣 反胃 噎 咽喉噎塞 口開目眩 嘈雜

辨惑

丹局方治氣下閉有白治下切氣冷氣滯氣逆氣上氣用安息香丸丁沉香丸煨姜丸鹽煎散七氣散温白丸生姜湯其治丸白沉香丸煨姜丸鹽煎散七氣散温白丸生姜湯其治嘔吐膈噎也用五膈丸五膈寬中散膈氣散酒攪丸草苳蔻丸撞氣丸人參丁香散其治吞酸也用丁香煎丸小理中丸其治痰飲也用倍朮丸消飲丸温中化痰丸五套丸

且於各方條下或曰口苦失味曰噫酸曰苦澁曰吐清水
曰痞滿曰氣急曰脇下急痛曰五心中熱口爛生瘡皆是
明言熱症何為悉用熱藥夫周流於人之一身以為主者
氣也陽往則陰來陰往則陽來一升一降無窮已有內
不傷於七情外不感於六淫其為氣也何病之有今日冷
氣滯氣逆氣上氣皆足肺受火邪氣得炎上之化有升無
降薰蒸清道甚而至於上焦不納中焦不化下焦不滲展
轉亦為嘔為吐為膈為噎為痰為飲為反胃為吞酸夫治
寒以熱治熱以寒此正治之法也治熱用熱治寒用寒此
反佐之法也詳味前方既非正治又非反佐此愚之所以
不能無疑也謹按原病式曰諸病嘔吐酸皆屬於熱諸積
飲痞滿中膈皆屬於濕諸氣逆衝上嘔涌溢食不下皆屬
於火諸堅痞脹滿急痛吐腥穢皆屬於寒深契仲景之意

金匱要畧曰胃痺病胃背痛括藁薤白湯主之胃痺心痛
徹背背痛徹心瓜蒌薤白半夏湯主之心下痞氣氣結在
胃脇下上逆搶心者枳實薤白桂枝湯主之嘔而心
下痞者半夏瀉心湯主之乾嘔而利者黃芩加半夏生姜
湯主之諸嘔吐穀不得入者小半夏湯主之嘔吐病在膈
上者猪苓湯主之胃反嘔吐者半夏麥蜜湯主之食已即
吐者大黃甘草湯主之胃反吐而渴者茯苓澤瀉湯主之
吐後欲飲者文蛤湯主之病似嘔不嘔似噦不噦心中無
奈者姜汁半夏湯主之乾嘔手足冷者陳皮湯主之噦逆
者陳皮竹茹湯主之乾嘔下痢者黃芩湯主之氣衝上者
皂莢丸主之上氣脹浮者厚朴麻黃湯主之上氣脹沉者
澤瀉湯主之火逆上氣者麥門冬湯主之心下有痰飲胃
脇支滿目眩茯苓桂木湯主之短氣有微飲當從小便出

之宜茯苓桂木甘草湯主之腎氣丸亦主之病者脈失其人欲自利利者反快雖利心下續堅滿者此為留飲欲去故也甘遂半夏湯主之病懸飲者十棗湯主之病溢飲者當發其汗宜大青龍湯又宜小青龍湯主之心下有支飲其人苦冒眩澤瀉湯主之支飲留滯者厚朴大黃湯主之支飲不得息葶藶大棗瀉肺湯主之嘔家本渴今反不渴心中有支飲故也小半夏湯主之卒嘔吐心下痞膈間有水眩悸者小半夏加茯苓湯主之假令瘦人臍下有悸者吐涎沫而頭眩此水也五苓散主之心胃有停痰宿水自吐出水後心胃間虛氣滿不能食消痰氣令能食茯苓飲主之先渴後嘔為水停心下此屬飲家半夏湯加茯苓主之觀其微意可表者汗之可下者利之滯者導之鬱者揚之熱者清之寒者溫之偏寒偏熱者反佐而行之挾濕者

淡以滲之挾虛者補而養之何嘗例用辛香燥熱之劑以火濟火實實虛虛者將誰執或曰脈訣謂熱則生風冷生氣寒主收引今冷氣上衝矣氣逆矣氣滯矣非冷而何吾子引仲景之言而斥其非然則諸氣諸飲諸嘔吐反胃吞酸等病將無寒症耶予曰五臟各有火五志激之其火隨起若諸寒為病必須身犯寒氣口食寒物乃為病寒非若諸火病自內作所以氣之病寒者十無一二或曰其餘痰氣嘔吐吞酸噎膈及胃作熱作火論治於理可通若病人自言冷氣從下而上非冷而何予曰上升之氣自肝而出中挾相火自下而出其熱為甚自覺其冷非真冷也火極似水積熱之甚陽亢陰微故見此症冷生氣者出高陽生之謬言也若病果因於寒當以去寒之劑治之何至例用辛香燥熱為方不知權變寧不誤入或曰氣上升者皆用

黑錫丹養正丹養氣丹等藥以為鎮墜然服之者隨手得
效吾子以為熱甚之病亦將有誤耶予曰相火之外又有
臟腑厥陽之火五志之動各有火起相火者此經所謂一
水不勝二火之火斯火也出於天造厥陽者此經所謂一
水不勝五火之火出於人欲二者之火相扇而動氣之升
也隨火炎上升而不降孰能禦之今借丹劑之重墜而降
之氣鬱為濕痰丹性熱燥濕痰被劫亦為暫開所以清快
丹毒積反偏助狂火陰血愈耗其升愈甚俗人喜溫迷而
不悟被此禍者滔滔皆是或曰丹藥之重欲降而升然如
之何則可予曰投以辛涼行以辛溫制伏肝邪治以鹹寒
佐以甘溫收以苦甘和以甘淡補養陰血陽即相附陰陽
比和何升之有先哲治法其則不遠吾不贅及或曰諸氣
諸飲與夫嘔吐吞酸膈噎反胃等症局方未中肯綮我知

乏矣然則夏夏之方果足用乎抑猶有未發者予曰天
地之氣化無窮人身之病亦變化無窮仲景之書載道者
也醫之良者引例推類可謂無窮之用借令畧有加減修
合終難踰越矩度夫氣之初病也其端甚微或因此小飲
食不謹或外冒風雨寒暑或內感七情或食味過厚偏助
陽氣積成膈熱或資稟素實表密無汗或性急易怒陰火
炎上以致津液不行清濁相干氣為之病或痞或痛或不
思食或噎噫腐氣或吞酸或嘈雜或膨滿不求本原便認
為寒遽以辛香燥熱之劑投之數貼暫得快然以為神方
仍前厚味不節將理不謹舊疾被劫暫舒濁液易於積聚
或半月或一月前病復作如此延蔓自氣成積自積成痰
此為痰為飲為吞酸之由也良工未遇診藥已行痰挾活
血遂成窠囊於是為痞為痛為嘔為噎膈反胃之次第諸

症隆起飲食湯液泥滯不行滲道寔瀉大便或秘或瀉下
失傳化中焦愈停醫者不察猶執為冷翻思前藥隨手得
快至此實主皆恨藥久燥熱顯候又服脾可以溫胃可以
壯以奠且豁然之効不思胃為水穀之海多血多氣氣
清和則能受脾為消化之官氣清和則能運今得香熱之
藥偏助氣血滯騰其始也胃液凝聚無所容受其久也脾
氣耗散傳化漸遲其有胃熱易飢急於得食脾傷不磨鬱
積成痛醫者猶曰虛而積寒非尋常草木可療妄以烏附
助佐丹劑專意服餌積而久也血液俱耗胃脫乾槁其槁
在上近咽之下水飲可行食物難入間或可入入亦不多
名之曰噎其槁在下與胃為近食雖可入難盡入胃良久
復出名之曰膈亦曰反胃大便秘小若全尿然名雖不同
病出一鉢要畧論飲有六曰痰飲懸飲溢飲支飲留飲伏

飲分別五臟諸證治法至矣盡矣第恨醫者不善處治病
者不守禁忌遂使藥助病邪展轉深痼去生漸遠深可哀
憫或曰千金諸方治膈噎及胃未嘗廢姜桂等劑何吾子
之多言也予曰氣之鬱滯久留清道非借香熱不足以行
然惑有大黃石膏竹茹芒硝澤瀉前胡朴硝茯苓黃芩蘆
根瓜蒌等藥為之佐使其始則同其終則異病邪易伏故
易於安或曰胃脫乾槁者古方果可治乎將他有何要捷之
法或曰補前人之未發者乎予曰古方用人參以補肺御
米以解毒竹瀝以清痰乾姜以養血粟米以實胃蜜水以
潤燥姜以去穢正是此意張雞峯亦曰噎當是神思間病
惟內觀自養可以治之此言深中病情治法亦為近理夫
噎病主於血乾夫血者陰氣也陰主靜內外兩靜則臟腑
之火不起而金水一氣有養陰血自生腸胃津液傳化合

宜何噎之有

翻胃

大法丹
漢主潤

丹翻胃即膈噎大約有四血虛氣虛有熱有痰 治必用
童便竹瀝韭汁牛乳姜汁氣虛入四君子湯血虛入四
物湯加童便年少者四物湯清胃脘血燥不潤故便瀉
年高者不治治必用參朮重關防氣虛胃虛 一中年婦
人患反胃以四物湯加和自陳皮留尖桃仁生甘草酒紅
花濃煎入驢尿以防其或生虫也與數十匙而安 台州
一木匠年二十七勤於工作而性巧慧有一艾妻且喜酒
病反胃者半載其面自其脉渣而不勻重取則大而弱小
便八九日方通一次糞皆燥結如羊屎甚難之無力予謂
精血耗竭也先與甘蔗汁煎六君子湯加附子大黃與之
何大便稍潤令謝去工作臥於牛家取新溫牛乳細飲之

每頓盡一盃一晝夜可五六次以漸而至七八次其餘菜
果粥飯皆不入口半月而大便潤胃餘而安然或口乾蓋
酒毒未解間飲甘蔗汁少許近兩月而安矣六君子湯謂
木枳殼陳皮半夏
各等分姜枣煎也 翻胃用韭汁二盃牛乳一盃生姜汁
半盃和勻溫服效別有方
見前

丹主反胃朝食暮吐旋旋吐者以甘蔗汁七升生姜汁一
升二味相和分為三服

丹杭州一男子四十餘歲患反胃兩月矣口乾而不喜飲
食有時不吐或吐則食物裹涎沫而出吐後胸膈方快其
脈俱瀋重則弦大蓋其壯年多服金石房中之藥所致時
正秋初尚熱遂令其多作竹瀝煮粳粟米為粥代粥飯與
之每啜一二口而止卻帶溫頻頻與之自此不吐至旬日
稍涼以流水作稀粥入少竹瀝與之時間以四物湯加陳

皮益其血月餘而安

食主脾胃氣弱食不消化嘔逆反胃湯飲不下粟米半升
研粉水和丸如桐子大煖令熟點少鹽空心和水吞下

世治番胃吞酸錫糖查六兩生薑四兩研細和為餅晒乾
每用餅十兩入甘草一兩為末湯調下陳彥正服得効

內經主
瀉積

陽蓄積病死而陽氣當隔隔者當瀉不亟正治粗乃敗之
全文見
陰陽

宋積

隔則閉絕上下不通則暴憂之病也通評虛實論
治中焦吐食由食積與寒氣相格故吐而疼宜服紫沉
丸

- 半夏 麩錢三
- 烏梅 去核 錢二
- 沉香 錢一
- 杏仁 去皮尖 錢一
- 砂仁 錢三
- 丁香 錢二
- 檳榔 錢二
- 木香 錢一
- 陳皮 錢五
- 白荳蔻 分五
- 白木 錢一
- 巴荳霜 五分

右細末入巴荳霜令勻醋糊為丸如黍米大每服五十
丸食後姜湯下愈則止小兒另丸一法反胃吐食用
橘皮一箇浸少時去白裹生薑一塊麩裹封燒令熟
去外麩煎湯下紫沉丸一百丸二日二服後大便通至
不吐則止此主寒積氣病機有代諸石
厚朴丸主番胃吐逆飲食噎塞氣上衝心腹中諸疾其
藥味即與萬病紫沉丸同

- 厚朴 去目
 - 蜀椒 去目 微炒
 - 川烏頭 炮去皮各 一兩半
 - 紫菀 去土
 - 吳茱萸 湯洗
 - 菖蒲
 - 柴胡 去苗
 - 桔梗
 - 茯苓
 - 官桂
 - 皂角 去皮 弦灸
 - 乾姜 炮
 - 人參 各二
 - 黃連 二兩
 - 巴荳霜 半
- 右為細末入巴荳霜勻煉蜜為劑旋旋丸如桐子大每
服三九漸次加至五七九以利為度生薑湯下食後而

臥此藥治効與局方温白丸同及治處暑以後秋冬間
下痢大効春夏加黃連 秋冬再加厚朴如
治風於春秋所加黃連厚朴外更加蒼蒲茯苓各一兩
半如治風痛不愈者依春秋加藥外更加人參蒼蒲
茯苓各一兩半如心之積加蒼蒲白茯苓為輔 如
肝之積加柴胡蜀椒為輔 如肺之積加黃連人參為
輔 如脾之積加萊菔乾姜為輔 秋冬及瀉不止加
黃連茯苓

保反胃太便不通者是腸勝胃也服局方半硫丸三十九
太府秘用後藥

附子錢五

巴菝

砒許一豆

右末極細生薑糊丸菝菝大每服一丸白湯下

治下焦吐食朝食暮吐暮食朝吐大便不通宜附子丸

附子炮五錢

砒研一錢

巴菝霜錢一

右同研極細溶黃蠟為丸如桐子大每服一二丸含水
送下利為度利後更服紫沉丸常服一二丸勿令再閉

潔白木木香散治寒積氣嘔吐腹中痛是無積也胃強而
乾嘔有聲無物脾強而吐食持擊強是以腹中痛當以此
藥和之

木香錢一

白木斤

半夏麩兩

檳榔錢二

茯苓錢五

甘草錢四

丁香錢一

右為細末每服一二錢濃煎芍藥生薑湯調下有積者
痛時手按之愈痛無積者按之不痛

白木散治胃中虛損及痰而吐者

半夏麩分五

白木

木香

甘草酪一

檳榔半錢

茯苓

右為細末每服二錢食前姜湯下

羅十膈氣散專治十般膈氣冷膈風膈氣膈伏膈熱膈悲膈水膈食膈喜膈皆病源也並因憂驚冷熱不調又乖將息更於喜怒無時貪嗜飲食因而不化積滯在膈上腸鳴痰嗽歲月漸深心胃噎塞漸至羸瘦久若不除必成惡疾

人參

白茯苓

官桂

枳殼

炙甘草

神麩炒

麥芽炒

廣茂炮

白朮

陳皮去

乾姜炮

京三稜煨

訶黎勒

厚朴製

枳榔

木香

厚朴製

右為極細末每服一錢鹽湯煎服如覺脾胃不和腹脹心胃滿悶用水一盞生姜七片棗二枚鹽少許同煎至八分和查熱服空心食前

芫薺散治五種膈氣

肉苳薺

木香

人參

厚朴製

赤茯苓

桂

甘草

枳榔

訶黎勒

青皮

陳皮

郁李仁

半夏

半夏

陳皮

郁李仁

右為極細末每服二錢入鹽少許如茶點服若入生姜棗同煎亦佳不拘時候能治氣補勞通血脈補脾胃去痰實

本野尿治反胃外臺載昔幼年經患此疾每食餅及羹粥等須臾吐出貞觀中許奉御兄弟及柴將等時稱名醫奉勅令治醫竭其術竟不能療漸至羸瘦死在朝夕忽有衛士云服野小便極驗且服二合後食唯吐一半哺時又服二合入定時食粥吐即便定後奏知大內中五六人患反

胃同服一時俱瘥此藥稍有毒服時不可過多盛取尿熱服二合病深者日服之良驗本草云野尿治癰疽反胃文云野尿性於味甘

世又方野尿調平胃散平胃散見泄瀉

新瓦散治反胃用多年瓦一片燒紅入野尿內焙廿一次研為末倉米飯焦亦為末一分飯末一分瓦末蠟精和飯丸以野尿和平胃散服之吞下

丹番胃方

黃連細切姜汁炒三錢

山查肉錢 保和末錢六

右粥丸桐子大人參湯入竹瀝再煎沸熱下六十九丸

實積人參利膈丸治胃中不利痰嗽喘滿利脾胃壅滯便秘推陳致新治膈氣之聖藥也

木香 檳榔七錢 人參 當歸
藿香 甘草 枳實 大黃酒浸

厚朴姜製各一兩

右為細末滴水為丸桐子大如雞丸少加宿蒸餅和丸每服三五十九食後諸飲下

本大黃湯治冷涎番胃其候欲發時先流冷涎次則吐食

此乃勞証治不早死在旦夕用大黃一兩生姜自然汁半

茶盞炙大黃令燥又碎入姜汁中如此碎汁盡切焙為末

每服二錢陳米一撮葱白二莖水一大盞煎至七分先食

葱白次服其藥不十日去根

羅玄明粉朴硝不以多少煎過澄瀉五七遍晚於星月露

至明且自然結成青白硝用一瓦礫按實炭火內煨從慢

至緊自然成汁煎至不響再加頂火一煨取出於淨地上

倒合盆去火毒至晚取出為細末每二斤入甘草末二兩

每用一錢二錢桃花湯或葱白湯調下治膈上氣壅滯五

臟秘塞邪熱忌魚及藕

飲積

番胃積飲通用益元散生薑自然汁澄清白脚九小丸

子時時服見益元散方

牛膝草

本治積聚停飲痰水生虫久則成反胃及變為胃癰其說

在壘樞及巢氏病源

芫花醋炒秤

藜芦炒

榔榔各半

巴菝炒黑

桔梗炒

右為細末醋糊為丸如赤菝大每服二三九加至五七

丸食前生薑湯下此方常服化痰消堅殺虫予患飲

癖三十年暮年常多雜痰飲來潮遲即吐有時飲半杯

酒即止蓋合此症也因讀巢氏病源論酒癰云飲酒多

而食穀少積久漸瘦其病常欲思酒不得酒則吐多睡

不復能食是胃中有虫使然名為酒癰此藥治之要之

須禁酒即易治不禁無益也

海有楊時者因患風氣衝心飲食吐逆遍身枯瘦日服萬

病紫苑九五丸至二十日瀉出肉塊蝦蟆五六枚自膿二

升愈又趙侍郎先食後吐目無所見耳無所聞服萬病紫

苑九五丸至十日瀉出青蛇五七條下惡膿三升方愈紫苑

丸即前治反胃厚朴九加羌活獨活防風是也乃磨積之劑

世治番胃用蚶虫火煨為末肉汁調下

諸逆衝上皆屬於火全文

世治番胃大田螺不拘多少用新水養之待吐出泥澄去

上清水後用米篩張地上却將皮紙鋪在火上傾此泥於

紙上候乾稠丸如桐子大每服三十九霍香湯下立愈仍

將田螺放水中如食之其病不安治反胃多年壁土和

降火

寒熱

香附子末米飲湯頻服之
本治反胃吐食

白礬附 黃丹

右為末入瓦礮內煨令乾取出以淨紙盛放地上盆蓋
一宿再為末蒸餅丸如桐子每服五丸至七丸空心溫
酒下更量老少虛實與之

寒濕 羅紅荳丸治諸嘔逆膈氣反胃

丁香 胡椒 砂仁 紅荳 各半

右為細末姜汁糊為丸如皂角子大每服一丸以六棗
一枚去核填藥麵裹燒熟去麵細嚼白湯下食前進三
服神效

丁香附子散治膈氣吐食

丁香附 檳榔 一個 黑附 一個半兩重
炮去皮臍

硫黃 胡椒 各二錢

右先將前四味為末次入硫黃再研勻每服二錢用飛
硫黃一箇去毛翅足腸肚填藥在內用濕紙五七重裹
定置慢火內燒熟取出嚼吃後用溫酒送下又白三服
不拘時候如不吃量酒溫粟粥飲調下飛硫黃或云蠟
蠟本草無考

世六丁丸治番胃如神即香靈丸方見

本附子散治反胃用附子一枚極大者生於磚上四面着
火漸漸逼熟焮入生姜自然汁中再用火逼再焮約盡生
姜汁半碗焙乾入丁香二錢每服二錢水一盞粟米少許
同煎七分不過三服瘥半門方用粟米飲調下二錢服之
又方治男婦小兒唇青面黃肚裏冷疼引牽小腹以至番
胃換食嘔吐口苦舌乾少寤多寐脚手牽掣不拘年日遠
近一切脾冷病悉能除愈有一婦人年四十餘久患番胃

面目黃黑歷三十餘年醫不能效脾肺諸穴燒灸交遍其病愈甚服此藥七日頓然全愈服至一月遂去其根自是服之不三五服些小脾疾立便瘥平保全胃氣能生肌肉進飲食順榮衛常服大有補益累試累驗幸毋忽焉

人參兩

茯苓二兩

附子七錢已上重者炮去皮脂

粉草兩

黃芪一兩

右為細末再服三太錢益湯煎服忌生冷油麩粘膩等

毒物無不効者甚妙

重劑

出其効神速

水銀

黑錫各三錢

硫黃五錢

右三味銚內用柳木槌熬研微火上細研為灰取出後用丁香末二錢桂末二錢生薑末三錢都一處研令勻

每服三錢黃米粥飲調下二服効甚者再服
右丁香附子例治番胃灼見臟腑有寒者服之丹溪云治反胃忌甚燥之劑犯之必死設用必與潤血藥相兼服又前瀉積條亦香燥劑用者謹之

汚血

本治男婦小兒遠年近日番胃吐食方用五靈脂一味不拘多少為細末用黃大膽汁為丸如龍眼大每服一丸好酒半盞溫服不止再服不過三服即効行義云五靈脂行味甘溫療心腹冷氣

味甘溫療心腹冷氣

臟腑

食不能下者胃脘膈也全文見水腫

一陽發病少氣善欬善

泄其傳為膈

全文見診病傳變○王註云行焦內結中熱故膈塞不便

三陽結謂之膈王註云小腸結則血脈燥時

雜方

世治番胃痛而生諸氣不入者黃牛鼻繩各姓者七箇長

七十燒存性為末作三服用好酒調下飯湯調亦得
魚散大鯽魚一箇去腸留膽納綠礬末填滿縫口以炭火
灸黃為末每服一錢陳米飲調下日三服

山番胃細炒棠梨葉法刺為末酒下 又方松木節為末
酒下

針灸

靈黃帝曰氣為上膈者食飲入而還出余已知之矣虫為
下膈下膈者食時時乃出時時也余未得其意愿卒聞之
岐伯曰喜怒不適食飲不節寒溫不時則寒汁流於腸中
流於腸中則虫寒虫寒則積聚守於下管則腸胃充郭衛
氣不營邪氣居之腸胃充郭則衛氣不營人食則虫上食
虫上食則下管虛下管虛則邪氣勝之積聚以留邪氣原
而居下管今虫上而下管虛則積聚以留也留則癰成癰成則下管約
邪氣乘虛勝之而積聚以留也下管約故食入則痛其癰在管內者即內而痛深其癰在
至時時乃復出也

腕外者則癰外而痛浮癰上皮膚熱黃帝曰刺之奈何岐伯
曰微按其癰觀氣所行先淺刺其傍稍內益深還而刺之
毋過三行察其沉浮以為深淺已刺必發令熱入中曰使
熱內邪氣益衰詳此刺癰非所刺也但刺後發之使熱太
癰乃潰伍以參禁以除其內恬憺無為乃能行氣後以鹹
苦化穀乃下矣

灸刺膈食有四

其一取胃經云虫為下膈按其癰刺之者是其下法也
其二取太陰經云太陰根于隱白結于太倉太陰為開開
折則倉廩無所輸膈洞膈洞者取之太陰視有餘不足故
開折者氣不足而生病者是也蓋膈洞者經謂之食不化
下益還也
其三取胃經云胃病若膈咽不通飲食不下取之三里是

也又云飲食不下腸塞不通邪在胃腕在上腕則刺抑而
下之在下腕則散而去之是也

其四取手少陰經云手少陰之別名曰通里去腕一寸半
其病實則支膈取之掌後一寸別走太陽者是也

撮翻胃勞官分中腕灸瀉心膈一分沿皮向外
玉番胃吐食中魁中指第三中腕半腕骨一分瀉

東吐食不化上腕中腕下腕
甲食飲不化入腹還出下腕去之又法三里陰陵泉

不應取中腕天樞又法中腕脾膈中魁
三里又法腋聚毛下宛宛中五十石關五十

東今日食明自吐心膈寸半膈膈寸半胃堂七寸
中巨關胃腕五十寸各灸又番胃商丘通谷

巨關然谷隱白陽陵泉內庭膈關

診忌

甲背痛惡寒脊強俯仰難食不下嘔吐多痰膈關主之
丹切不可用香燥之藥服之必死宜薄滋味

脈寸口脈微而數微則無氣無氣則榮虛榮虛則血不足
血不足則胃中冷踈陽脈浮而濇浮則為虛濇則傷脾脾

傷則不磨朝食暮吐暮食朝吐完穀不化名曰胃反脈緊
而濇其病難治脈弦者虛也胃氣無餘朝食暮吐變為胃

反寒在於上醫反下之合脈反弦故名曰虛
脾脈微急為膈中食飲入而還出涎沫全文見虛實法

素胃脈亟而散者當病食痺服要精微論○至真要論云食痺而吐
腎脈微緩為洞洞者食不化下噎還出全文見治虛實法

噎

血稿
丹一男子年六十二歲平居不能頓食常喜頻食下日忽
覺咽膈壅塞大便結糞如羊矢三四日一見走動倦乏與

補氣藥則作痛實見食少則與袪腸胃消導之藥予脈之
兩手俱見瀦脈似真臟喜其人形瘦而色紫黑病見乎冬
却有生意遂於四物湯加白朮陳皮煎取濃湯研桃仁十
二粒再煎沸飲之多食諸般血以助藥力三十貼而知至
五十貼而大便潤七十貼而食進百貼而愈
浦江男子年六十自來好色虛甚去秋患吐病或有作時
或有止時腹結微渴

地黃錢

人參半

白朮錢

黃芩三

川芎三

芍藥錢

當歸

陳皮各五

枳殼半

甘草分二

木通三

積滯
汚血

楊淳三哥大便秘瀦因塞不通人參散主之方見大便
察厚朴丸治飲食噎塞方見番胃
丹東陽王仲延咽膈間常覺有物悶悶無食物必屈曲自

膈而下且梗瀦作微痛食亦減他無所苦予脈之右甚瀦
而關甚沉左却和予曰汚血在胃脘之口氣因而鬱為痰
此必食物所致明以告我彼不自覺予又曰汝去冬好食
何物為多曰我每日必單飲點剝酒三兩盃逼寒氣為製
一方用生薑汁生薑令細呷之每服生薑一白三次盡菲
二斤而安

滯氣
治膈噎馬剝兒即王瓜燒存性每一錢用蜜肉平胃散二
錢溫酒調服食即可下然後隨病源調理神效散方見局

世治噎雞穀袋不問多少不可失包內物一粒用泥固濟
火煨存性用姜汁炒香附每箇入半兩香附末神麴為丸
姜湯送下
治氣噎不下飲食

枇杷葉去毛 青皮去

陳皮去

右等分爲末每服二錢水一盞生姜五片同煎至六七分溫服不計時候

治膈氣噎不下飲食用陳皮去白不拘多少用大蒜研細和丸如葶苈大每服二十九至三十九溫米飲下食後日三服

熱滯

金匱玉函五噎心膈氣滯煩悶吐逆不下食蘆根五兩剉

水三盞煮二盞去渣溫服

寒滯

羅漢防已散治五噎

漢防已五錢

官桂兩

細辛七錢

陳皮去白一兩

羚羊角末

紫蘇各七錢半

杏仁湯洗去皮尖一兩

右爲細末每服三錢生姜三片水煎日一

本治五種積氣及五噎胃膈不快停痰宿飲纏金丹

丁香

木香

沉香

檳榔

官桂

胡椒

礪砂研

白丁香各一錢

白芷各一錢

飛礪各一錢

馬兜鈴

南星

五靈脂

瓜蒌根

半夏各半兩

硃砂三錢留半爲衣

右爲細末入二味研藥和勻生薑汁煮糊丸如桐子大

每服三九生薑湯下或乾嚼蘿蔔湯下

治氣食憂勞思慮五噎膈氣丸

麥門冬

甘草各五錢

人參四錢

桂心

細辛

川椒

遠志去心炒各三錢 附子

乾姜各二錢

右爲末煉蜜丸如雞豆大綿裹二九含化食後日三夜

三服胸中當熱七日愈

治氣食憂勞思慮五噎膈氣丸

欬嗽半夏

桔梗各一兩 肉桂

枳殼各兩

右細末姜汁麩糊丸如桐子大姜湯下三十丸食後臥服

中痰

無擇廣五行記永徽中有僧惟則病噎不能食謂諸弟子曰吾死後便可開吾胃喉視有何物自經而卒弟子果開視胃中得一物形似魚而有兩頭遍解皆肉鱗弟子置碗中跳躍不止戲以諸味皆隨化盡時夏中盛蓋作澱適有一僧以澱置器中此思逐逐器中走須臾化為水此乃虫瘕非五噎比後人因以藍治噎慢矣
予和沈丘王宰妻病胃膈不利口流涎沫自言咽下胃中常有雷声心間時作微痛又復發嘗嘗乳之間灸癥如蒸化痰利膈等藥服之二載病亦依然其家知戴人痰藥不損來求之予涌而出雪自虫一條長五六寸有口鼻牙齒

走於涎中病者惡而斷之中有白髮一莖此正與徐文伯所吐官人髮瘕不同虫出立安

運氣噎皆屬燥經云陽明司天之政民病咳噎塞又云陽明之勝肉餘溢塞胃中不便噎塞而欬又云陽明司天清復肉餘噎塞者是也

右按運氣皆以噎塞生於燥噎塞者噎病也丹溪皆以噎病生於血槁血槁則燥矣得病情合經旨者丹溪一人也

雜方

禹錫頭垢治噎酸漿水煎膏用之立愈

聖治膈氣咽喉噎塞飲食不下用確精上細糠糞丸如彈子大不時含之丸煎津下

孫治噎欲發時啣鷓鴣鳥嘴按下外臺秘要同

聖治噎病用狼結喉骨擦乾梓木半錢於飯飲內食之

妙

針灸

摘五噎吞酸多唾嘔吐不止天突五分留三呼得通關

在中腕旁各五分針入八分左燃能進飲食右燃能

胃評氏云此穴一針四効凡下針後良以覺脾胃

動為一効次針破病根腹中作聲為二効次覺流

勝此為三効又次覺氣流行腰後骨空間為四効

撮治五噎宜中中魁中指大二節灸

甄權噎塞膈氣通谷

明堂五噎分治氣噎宜中 憂噎心膈灸 食噎乳根

乳左下一勞噎高膈灸 思噎天府灸

集五噎勞宮 中魁 中腕 三里 太陰 支溝

上腕取後穴 宜中 太白 下腕 右關 脾膈

胃膈

診 寸口脈浮大醫反下之此為大逆浮即無血大即為寒

寒氣相搏即為腸鳴醫不知而反與飲水令汗大出不得

寒氣冷必相搏其人即噎

脈寸口脈緊而孔緊則為寒孔則為虛虛寒相搏脈為陰

結而遲其人則噎

咽喉噎塞口開目眩

辛甘治

垣堵塞咽喉陽氣不得出者曰塞陰氣不得下降者曰噎

夫噎塞逆逆於咽喉胃膈之間令諸經不行則口開目眩

氣欲絕當先用辛甘氣味俱陽之藥引胃氣以治其本加

堵塞之藥以瀉其標也寒月陰氣大助陰邪於外於正藥

內加吳茱萸太熟太辛苦之味以瀉陰寒之氣暑月陽盛

則於正藥中加青皮陳皮益智黃柏散寒氣泄陰火之上

逆或以消痞丸合滋腎丸滋腎丸者黃柏知母微加肉桂

三味是也或更加黃連別作九二藥七八十九丸空心約宿

食消盡服之待少時以美食壓之不令胃中停留也諸法

冬加辛
夏加苦
寒瀉標

胃病

皆於補中益氣湯加棗之
 膈咽不通并四時換氣用藥法 黃帝針經曰胃病者腹
 膈脹胃脘當心而痛上支兩脇膈咽不通飲食不下取三
 里夫咽者嚥物之門戶也高者上焦心肺之分野不通者
 升降之氣上不得下交通又云清氣在下則生痰泄瀉泄
 者謂泄黃如糜米穀不化者是也濁氣在上則生膈脹腹
 中脹滿不得大便或大便難先結後瀉皆是也濁氣在上
 瀉降而不降者乃腎肝吸入之陰氣不得入故食不得下
 也此皆氣衝之火逆胃之脈反上而作者也清氣在下則
 生飧泄者胃氣未病之日當上行心肺而榮經也因飲食
 失節勞役形骸心火乘于土位胃氣弱而下陷入陰中故
 米穀入而不得升反降而為飧泄也咽膈之間壅遏之甚
 不得交通者皆衝脈上行逆氣所作也蓋胃病者上衝兩

冬月治法

脇膈咽不通飲食不下取之三三里者是也針經云清淫極
 于亂於胃中是為大惋大惋者惑也氣不交通最為急証
 不急去之諸變生矣聖人治此有要法陽氣不足陰氣有
 餘先補其陽後瀉其陰是先令陽氣升發於陽分而後瀉
 陰也春夏之月陽氣在經當益其經脈去其血絡秋冬陽
 氣降伏當先治其臟腑若有噎有塞塞者五臟之所主陰
 也血也噎者六腑之所主陽也氣也二者皆由陰中伏陽
 而作也今立四時用藥法并治法于後
 冬三月陰氣在外陽氣在內當外助陽氣不得發汗內消
 陰火勿令泄瀉此開藏周密之大要也盛冬乃水旺之時
 水旺則金旺子能令母實肺者腎之母皮毛之陽元本虛
 弱更以冬月助其令故病者善嚏鼻流清涕寒甚則濁涕
 嚏不止比常人尤大惡風寒小便數而欠或上飲下便色

清而多大便不調常夜無寐其則為痰為嗽為嘔為噦為吐唾白沫以至口開目眩氣不交通欲絕者吳茱萸丸主之

吳茱萸丸治寒在膈上膈咽不通

吳茱萸 草薺各一分 錢 益智仁分 白姜蚕分四

陳皮 人參 黃芪 升麻分八

麥牙半錢 甘草 歸身分六 半夏錢一

木香分二 澤瀉 姜黃 柴胡分四

青皮分

右為末湯浸蒸餅為丸如葶藶大細嚼二十九白湯送下不拘時候勿多飲湯恐速走下則減藥力

夏三月大暑陽氣在外陰氣在內以此病值此時是天助正氣而對其邪氣不治而自愈矣然亦有宿愈不愈者蓋

夏月治

陰氣極盛正氣不能伸故耳且如膈咽不通咽中梗甚者前証俱作治法當從時用利膈丸瀉肺火以黃芪補中湯送下如兩足痠厥行步惟怯欲倒臂膈如折及作痛而無力或氣短氣促而喘或不足以息以黃芪人參甘草白朮蒼朮澤瀉猪苓茯苓陳皮等作湯送下滋腎丸五六十九丸六七月之間濕熱之令大行氣短不能言者加五味子麥門冬如心下痞悶食不下以上件白朮蒼朮等湯送下消痞丸七十九丸更審而用之

黃芪補中湯方見 利膈丸方見 滋腎丸方見

消痞丸方見

嘈雜

痰火 嘈雜只是痰因火而動梔子姜炒黃連不可無此食鬱有熱山梔黃芩為君南星半夏陳皮為佐熱多加青黛

醫方類聚卷之三

六

肥人嘈雜二陳湯少加蕪荳蒼朮白朮炒梔子心下
嘈雜者導飲丸最妙方見內傷飲食

噦 產後噦

噦者成無已許學士謂之吃逆是也或曰成無已許學士
固以噦為吃逆然東垣海藏又以噦為乾嘔陳無擇又以
噦名欬逆諸論不同今予獨取成許一家之說何也蓋曰
噦義具在內經諸家察之不詳故論紛紛耳謹按靈樞雜
病篇云噦以草刺鼻嚏嚏而已無息而疾迎引之立已大
驚之亦可已詳此經文三法正乃治吃逆之法按吃逆用
紙撚刺鼻便嚏則吃逆立止或閉口鼻氣使之無息亦
立已或作窳盜賊大驚駭之亦已此予所以取成許二家
之論噦為吃逆為得經旨也蓋噦吃之名雖二而病則一
經名為之噦者噦即吃聲之重也俗名為之吃者吃即噦

噦辨

聲之輕也皆因病聲之輕重得此二名初非噦吃有二病
若以噦為乾嘔設使乾嘔之人或使之嚏或使之無息或
使之大驚其乾嘔能立已乎噦非乾嘔也明矣若以噦名
欬逆夫噦者噦之病聲其聲發會厭下欬者欬之病聲其
聲發會厭上故內經噦有噦之口問欬有欬之篇論病各
不同噦不可名欬逆也明矣

噦補虛

噦吃逆論 吃病氣逆也氣自臍下直衝上出於口而作
噦之名也書曰火炎上內經曰諸逆衝上皆屬於火東垣
謂火與元氣不兩立又謂火元氣之賊也古方悉以胃弱
言之而不及火且以丁香柿蒂竹茹陳皮等劑治之未審
孰為降火孰為補虛人之陰氣依胃為養胃土傷損則木
氣侮之矣此土敗木賊也陰為火所乘不得內守木挾相
火乘之故直衝清道而上言胃弱者陰弱也虛之甚也病

人見此似為危症然有實者不可不知敢陳其說趙立道
年近五十質弱而多怒七月炎暑大飢索飯其家不能急
具因大怒兩日後得滯下病口渴自以冷水調生蜜飲之
甚快滯下亦漸緩如此五七日召予視脈稍大不數遂令
止蜜水渴時且令以人參白米煎湯調益元散與之滯下
亦漸收七八日後覺痞甚發吃予知其因下火而陰虛也
令其守前藥然滯下尚未止又以煉蜜飲之如此者三日
吃尤未止眾皆尤藥之未當將以姜附飲之予曰補藥無
速効附子非補陰者服之必死眾曰冷水飲多得無寒乎
予曰炎暑如此飲涼非寒勿多疑待以日數藥力到當自
止又四日而吃止滯下亦安 陳擇仁年近七十厚味之
人也有久嗽病而作止不常新秋患滯下食大減至五七
日後吃作召予視之脈皆太豁眾以為難予曰形瘦者尚

可為以人參白米湯下天補丸以補血至七日而安此二
人虛之謂也 又一女子年踰笄性躁味厚炎月因大怒
而吃作作則舉身跳動脈不可診神昏不知久問之乃知
暴病視其形氣俱實遂以人參蘆二兩煎湯飲一碗大吐
頑痰數碗大汗昏睡一日而安人參入手太陰補陰中之
陽者也蘆則反是太瀉太陰之陽女子暴怒氣上肝主怒
肺主氣經曰怒則氣逆因怒逆肝木乘火侮肺故吃大作
而神昏暴蘆善吐痰盡則氣降而火衰金氣復位胃氣得
和而解麻黃發汗節能止汗穀屬金糠之性熱麥屬陽楚
之性涼先儒謂物物具太極學者不可不觸類而長引而
伸之也
無凡吐利後多作嘔此由胃中虛膈土熱故嘔或至八九
聲相連於氣不回至於驚突者若傷寒及病得此甚惡肉

經所謂壞府者是也

右吐利後嘔即丹溪治趙立道與陳擇仁二人嘔皆於滯下得之類六脈大豁用參朮而愈是也予長兄九月得滯下每夜五十餘行嘔逆食不下五六日後加吃逆與丁香一粒噙之立止但少時又至遂用黃連瀉心湯加竹茹飲之吃雖少止滯下未安如此者十餘日遂空心用御米殼些少滋其滑日間用參朮陳皮之類補其虛自服御米殼之後吃聲漸輕滯下亦收而安

實者下

仲嘔而腹滿視其前後知何部不利利之即愈

小承氣湯治大便不通嘔數謔語方見下

丹超越陳氏二十餘歲因飽後奔走數里遂患嘔病但食物則連嘔百餘聲半日不止飲酒與湯則不作至晚發熱如此者二月脉瀯數以益入氣中治之用桃仁承氣湯加

痰

紅花煎服下汚血數次即減再用木香和中丸加丁香服之十日而愈

吐之

無嘔而心下堅痞眩悸者以膈間有痰水所為

丹洪孺人年廿六歲夏月因事為長上所阻怒氣折鬱不得舒須臾就浴湯熱不可近怒氣復增就悶絕昏倒乃以衣遮掩就房須臾次逆大作每一聲必渾身為跳躍仍復昏悶凡三五息一作服不可診予曰此膈上有痰逆為怒氣所鬱痰熱相搏氣不得降而逆非吐則不可是時夜半又事出倉卒適有人參蘆二兩在被濃煎飲之大吐稠痰二升許通躰得汗因睡半夜而安此即前吃逆論所言者自此詳細故重出之燥痰不出者用蜜水吐之

世嘔聲頻密相連者為實可治若半時嘔一聲者為虛難治多死在旦夕

滯氣

仲噦逆者陳皮竹茹湯主之

陳皮二

竹茹二

大棗三

生姜一

甘草五

人參一

右六味以水一斗煮取三升溫服一升日五服

乾嘔噦若手足厥者陳皮湯主之吐方見嘔

本又方

枳殼五

木香一

右細末每服一錢白湯調下未頃再與

孫治諸吃噦陳皮二兩湯浸去穢剉以水一升煎之五合

通口服頃刻更加枳殼一兩去穢炒同煎之

外治久患噦噦連欬一二十聲者取生姜汁半合蜜一匙

頭煎令熱溫服如此三服立効

汚血 超越陳氏噦用桃仁承氣湯下汚血數升而愈是汚血為

熱

噦也

丹溪用益元散大補丸治趙立道陳擇仁滯下而噦者或

用蜜水治噦者是熱噦也

案

紫柿錢散治噦逆

柿錢

丁香

人參各等

右為細末水煎食後服

羅丁香柿蒂散治諸種吃噦嘔逆咳涎

丁香

柿蒂

青皮

陳皮各一

右為粗末每服三錢水一盞半煎七分去香溫服不拘

時候

羌活附子湯

羌活

附子炮

木香

茴香各五

乾姜兩

右為細末每服二錢鹽一撮煎二十沸熱服一服止
臟腑胃為噦利而不噦者胃實也
運氣運氣噦有三

一曰熱經云少陰之復噦噫治以苦寒是也

二曰寒經云太陽之復嘔出清水及為噦噫治以苦寒是也

三曰燥經云陽明之復欬噦治以辛溫是也
傷寒將愈忽患噦逆與古人治噦逆之藥殆逆皆不愈
計出無藥遂用皂角末吹入鼻中得嚏而噦止少時又
吃又與皂角末噦而止者凡數百次其嚏特出痰涕漸多
自是吃逆漸蹙至三二日而止此是金經草刺鼻嚏之法
故書

黃帝曰人之噦者何氣使然岐伯曰穀入于胃胃氣上注于肺今有故寒氣與新穀氣俱還入于胃新故相亂真邪相攻氣并相逆復出于胃故為噦補手太陰瀉足少陰

世治噦逆於臍下開元穴灸七壯立愈累驗
羅又方男左女右乳下黑盡處一韭葉許灸二壯甚者二七壯
集治氣逆癸吃 臍中 中脘 先補後瀉不 三里 肺俞 行間 已再取下穴

篇

診 心脈小甚為噦全文見治 虛突法
雜方 天產後欬逆三日不止欲死
肉桂五 姜汁三
右同煎服二合以火先灸手摩令背熱時時塗藥汁盡
產後咳逆乾柿一箇切碎以水一盞煎六分熱呷妙

產後咳逆乾柿一箇切碎以水一盞煎六分熱呷

